

書

四

起元文宗天歷二年至至正廿陸年



國權

鹽官談遷孺木著

大明太祖聖神文武欽明啟運駿德成功統天大孝高皇帝御

元璋字國瑞濠州鐘離東鄉人朱姓出顛項氏周封曹挾於

邾楚滅之子孫去邑為朱世居沛國相縣其後散居江南家

句容之通德鄉稱著姓云朱家巷譜系無攷而世艱難農業

有重八府君娶陳氏生子三長伯六娶胡氏後追尊

德祖玄皇帝次子四九娶侯氏後追尊

懿祖恒皇帝長子初一娶王氏生宋末元初籍洵金戶金非

地產常他市供賦困焉遂棄田廬携二子徙泗州世珍長年
十二次一歲仍力田營家泗工足給有二羽人指其地法當
大貴折枯枝植而驗之尋藥試拔之羽人再過謂如冢嫡何
竟卒塋後追尊

熙祖裕皇帝卒漸家落五一兄弟徙盱眙五河無定居五一
兄弟皆敦謹務德嘗言凡人守分得財如置田產稼穡收穫
歲有常利用之無窮若悖理得財如污吏貪官獲利雖博有
喪身亡命之憂故一鄉皆稱次公長者世珍娶陳氏徙盱眙
生興陰徙五河生興或興祖徙鍾離東鄉蓋濠古塗山氏國

大禹會諸侯處周世宗鑿其地至是王氣始復太祖生又
徙西鄉晚徙太平鄉之孤庄村有一翁指次公曰美哉八十
公終歸仁德焉後追尊
仁祖淳皇帝與歲合

談遷曰周秦以降帝王之興雖崛起闔閭或世沾一命劉
氏至寒素矣泗上亭長亦食秦人之斗粟惟我朱氏其興
也勃焉起家耕桑有公劉后稷之風又劉裕祖漢蕭道成
祖鄴侯出自史臣未足深信今玉牒始重一府君不妄有
祈祖先是下集慶句容之族父昆弟四十餘人皆來會或

不法跡外之聞之稗史曰 上欲祖朱熹適徽人典史某
問之熹後乎對曰否因意寢此蓋瞽說非知 太祖者也
戊辰元文宗天曆元年九月丁丑 帝生陳姬夢羽人授藥
丸一燁然有光吞之覺而口香明日薨於土地祠白氣貫空
異香經宿祠神驚避數里至今地丈餘楮而不草浴汲河水
紅羅浮而衣之水令色一紅一白里人夜望光謂次公長者
何火也趨救則無有生數日不乳公出求醫有僧坐門告之
愈期良久不見公異之欲捨於釋氏

己巳

天曆二年

庚午

文宗至順元年

辛未

至順二年

壬申

至順三年宿州人馬公無子婦生女即 高皇后

癸酉

順帝元統元年

甲戌

元統二年

乙亥

至元元年

丙子

至元二年

丁丑

至元三年上十歲

戊寅

至元四年

巳卯 至元五年

庚辰 至元六年

辛巳 至正元年

壬午 至正二年

癸未 至正三年

甲申 至正四年 上年十七時大饑疫四月庚申朔乙丑

翁卒戊辰伯兄興隆卒辛巳陳嫗又卒同仲兄輩勉襄事所
佃劉氏繼德田數青進誰呵不絕劉氏兄繼祖以總管致仕
好施予 朱翁遷太平之孤庄村與繼祖及趙文達等隣至

是繼祖閔之妻姜氏勸予墜地二三兄弟扶柩往會天雨休

壟下旦往塚壘 自地出洵神助也仲氏叔氏各圖自治

上孤無依隣母汪氏曰獨不記先人許從釋氏乎九月乙巳

入皇覺寺一名於覺寺事僧高彬養鶩溺園之之他所游戲

鶩終日不敢出園別鶩色為隊鶩皆分隊立居兩月歲荒僧

散 上大困游食望突而飽望門而宿後 上貴賜劉繼祖

弟田三十頃復十年曰此恒情耳不必問吾貧時爾豈知今

日為天子耶繼祖字大房元總管致仕好施予同里趙文達

談遷曰古帝王之興也俱稍有所藉漢祖起豐沛 聖祖

起淮泗亦六瘁矣而 聖祖為甚沙漠之腥無所不穢濁
而淮右無一命之染重農力穡公劉后稷之締始也先德
如此安在無土不王哉

乙酉 至正五年上西游合肥道病有二紫衣同寢食病已辭去
遽失之夜陷麻湖中值群童云迎駕叱之不見至六安代老
儒負篋及硃砂鎮坐槐樹下異其相為推 上星命當奇貴
第慎之利西北毋東南也歷語後事徵其里氏不荅

丙戌 至正六年上嘗還里省墓

丁亥 至正七年上歷光固汝穎間凡三年仍棲皇覺寺

戊子 至正八年十一月黃巖方谷珍作亂谷珍修七尺走及奔

馬父伯奇柔謹生谷珍谷瑛並豪勇里佃事田主甚早母敢
揖心媿之伯奇沒竟醉田主醢之致訟格殺巡檢叛入海旬
日得數千人守臣朶兒只班討之引而東追至福州五虎門
勢蹙將焚舟遁而元兵忽自驚擾因執朶兒只班迫其招撫
元主從之授定海尉雖受命終不自安谷珍避廟諱更名真
見宋濂神道碑止名

己丑 至正九年

庚寅 至正十年十二月壬午朔己酉方谷珍寇温州

辛卯年正月十一日

正月 朔

二月 朔

三月 朔元浙東副元帥董搏霄以舟師討方谷珍戰敗

四月 朔元命工部尚書賈魯開黃河故道役十七萬人

自黃陵岡至白茅二百八十里初童謡曰石人一隻眼桃動

黃河天下反果得石人於黃陵岡蓋韓山童陰為之也

五月己酉朔薛徐穎斬黃兵起徐人韓山童其祖父為白蓮教

惑衆、多從之元末山童倡言天下亂彌勒下生明王出江

淮之人騷然皆動河工掘石人益驚詫於是穎人劉福通及

黨杜遵道盛文郁羅文素等告衆曰山童宋徽宗八世孫也

當帝天下我劉光世後合輔之聚三千人於白鹿莊殺黑牛

白馬告天地約起兵用紅巾為志元得山童捕殺之子林兒

走武安山中福通據朱臯攻破羅山真陽確山杞舞陽葉諸縣

袁州光化寺有僧瑩玉以彌勒佛教鼓動湖湘麻城人鄒普

勝大唱其術羅田布賈徐壽輝浴鹽塘有毫光普勝驚怪之

共推為主舉號紅巾攻陷蘄黃壽輝開蘄水蓮為臺省建國天

完改治平元年拜普勝丞相黃陂人倪文俊為大將軍文俊

故漁家子善無行多槩舡攻陷漢陽興國
六月朔方谷珍攻黃巖江浙左丞李羅帖木兒擊之谷
珍夜率勁卒火之執李羅帖木兒於大問洋迫求招撫元授
千戶萬戶及其兄弟官爵有差

七月朔
八月丁丑朔丙戌蕭縣李二彭早住趙均用陷徐州俱燒香惑
衆嗜食人

九月朔
十月朔

十一月朔

十二月朔

壬辰至正十二年

正月丙午朔辰徐壽輝兵連陷武昌安陸沔陽

二月亥朔定遠郭子興見群盜四起與其客孫德崖命魯

潘等率豪傑子弟攻拔濠州據之自稱元帥子興故曹

州人父某善星曆謂帝星燭臨濠遂入濠定遠富翁有贅女

莫適聘郭公貴其女娶之術益售漸饒於貧生三子次子興

卜其貴長不事產業散財結豪傑子弟宿州馬公避仇定遠

年饑鬻女子興見馬公俠氣大善撫女如自出
辛丑兵焚皇覺寺上出避日暮無依歸祝筭於伽藍神出
處孰吉三投之俱陰上曰出處俱不利無乃欲我從雄而
後昌乎請復陰果陰上曰舉大事恐凶請陽筭仍陰再
決之筭躍然立上始有從戎之志
三卯己朔元人討徐州盜募舟師北守大江方谷珍疑其圖已
復入海突祀馬鞭諸山寨元將泰不華敗死
元將徹里不花率三千人討濠州不即進妄殺掠報級村里
為墟人無同志有故人遺上書盍從我自全上覽訖焚

之或為上危不之動

閏甲戌朔興上入濠城門者以謀疑之將加害適郭子興巡行
不異其貌解縛與語留帳下元兵散來討子興驍勇善戰每出
上從旁翼衛跳盪無前斬首捕生固當尋長百夫漸引與
謀事孫德崖等四帥田野人不足與謀子興心易之於是四
帥協謀備子興子興少與四帥會或會輒不合子興輒起去
去則四帥專決之

四朔卯朔日食

五朔酉朔方谷珍攻台州不克

六月丙辰朔

七月丁未朔

八月戊申朔

九月己酉朔

十月庚戌朔

十一月辛亥朔

十二月壬子朔

元丞相脫脫總大兵南征諸盜
九月丙申朔元兵誅李二復徐州彭早住趙均用走濠州孫
德崖等納之以二人故盜魁反爭推之出其下

十月丁酉朔
十一月戊戌朔彭早住稱魯淮王趙均用稱永義王早住頗有智
數郭子興獨禮之均用不憚孫德崖謂均用曰郭公自有彭
將軍耳相與執子興械之家將殺之 上在淮北聞曰郭公

吾父也亟馳歸則語子興子曰我公素厚彭薄趙禍必起發
即與子興子奔告早住早住怒圍德崖家 上從之發屋入
子興鉗繫幽害破械出之子興遂得免

十二月元將賈魯與月哥察兒圍濠城始解仇力拒之
壬寅潁州沈丘人察罕帖木兒信陽州羅山人李思齊同起

義兵破賊授察罕汝寧府達魯花赤李思齊知汝寧府

癸巳 至正十三年

正朔午朔 泰州張士誠白駒塢亭民也為鹽駟諸富家數凌

之又辱於弓兵丘義至是與弟士義士德士信結壯士李伯

昇潘原明呂珍等十八人殺義及富者火其舍跳入旁塲招諸少年謀起事至丁溪大姓劉子仁集衆拒之矢中士義死士誠益決戰子仁潰遂有衆萬餘陷泰州

二月朔

三月朔 元將賈魯死

元江浙左丞帖里帖木兒復招方谷珍行省都事劉基議谷珍首亂當誅餘黨當招安省院不聽編管基於紹興授谷珍温州路治中谷瑛信州路治中谷璋廣德路治中而谷珍猶疑懼擁衆千艘阻漕運復遣江浙右丞阿兒溫沙擊之

四朔戌朔

五月朔壬元兵解濠圍去濠人乏食 上以鹽易懷遠之粟

贍郭子興家先是歸上馬公女子興婦張夫人壻視 上軍中呼曰朱公子

談遷曰窮閭之末假令謀大事雖沒齒無望郭氏先驅得備肺腑於是神龍之升階於尺木矣其德視晉陽宮監且百倍噫豈偶然哉豈偶然哉

張士誠陷興化殺叅政穎川趙璉死之元使左丞僕哲篤守高郵知府李齊守甯社湖士誠譟入僕哲篤出走士誠據高

郵僭號大周自稱誠王改天祐元年元使照磨盛昭招以萬戶告身不納拘之舟中已臣之不屈死昭歸德人元使又至士誠曰必李齊齋往下之獄元人來攻士誠出齊聽之不屈死齊廣平人而元終欲降之使待制烏馬兒錄事孫撫復往被留撫曹州人至正初進士後謀復高郵事泄死之

六月丙申朔

七月朔

八月朔

九月乙丑朔日食

十月朔 郭子興患趙均用之專使 公子行收兵得七

百人拜鎮撫

十月朔

十一月朔 元卜顏帖木兒及西寧王牙罕沙等合討徐壽

輝於蘄水敗之

甲午至正十四年

正月朔 公子度彭早住等難共事屬七百人於他將率壯

士徐達湯和吳良吳禎花雲陳德顧時費聚耿再成耿炳文

唐勝吳陸仲亨華雲龍鄭遇春郭子興郭英胡大海張龍陳

植謝成李新張赫張銓周德興凡二十四人皆濠產也南略
定遠定遠人毛麒麟縣尹來降道以疾返已疾少間聞戶外
嘆聲詰之曰定遠張家堡民兵三千人號驢牌寨乏食欲來
降未決元帥將招之惜無可使者 公子矍然起曰機不可
失力疾以費聚等二騎又步卒九人往至寶公河望其營嚴
整步卒恐 公子不動營將出迎入諭曰郭公故善足下聞
他敵將至故遣告能相從即我往否則避之因解香囊示信
彼獻牛酒 公子還留費聚伺之越三日聚奔告彼有他志
公子即率三百人馳責之未受命誘其將來會縛之下其

於橫澗山 一日得精兵

衆三千人己夜襲元知院張
二萬餘繆大亨降悉加訓練

二月 癸卯 元吏部侍郎貢師泰和羅浙西米百萬石

三月 癸卯 公子略滁州值定遠李善長悅之留掌書記語之
曰群雄中幕容多毀左右解將士之體覆敗相踵爾宜鑒其
失務和協成厥功善長頓首受命花雲單騎遇賊數千人即
奮戰賊避其勇抵滁克之以駐師

四 癸卯 已朔 彭早往趙均用邀我 公子守盱泗辭不往時彭
趙挾郭子興東屯泗州尋自相吞併早往中流矢死均用專

兵益狼戾。公子在滁陽，兵勢漸盛，使人說均用曰：「方今海內淆亂，正收攬英雄之日，公肯窘於元南趨濠，使郭公閉壁不納，辱虜手矣。得濠而據其上，更欲害之不祥。且郭公易圖耳，其別部之在滁者，勢重可慮也。」又賄均用左右，均用遂縱子興將萬人入滁州，見公子，兵整大悅。

五月朔

六月辛卯朔，己酉，陷盱眙。

庚戌，陷泗州。

七月朔

滁大旱，公子憂之。滁人楊方果言：「西南豐山柏

子潭可禱，即往約神三日，必我雨否者，神不得祠。」因發三矢於潭，果如期大雨，獲稔。

八月朔

九月未朔，元丞相脫、討張士誠於高郵，大敗之。

方谷珍突入台州，據之。先是元設浙江元帥於慶元，備谷珍以納麟哈喇為之。復敗，遂授谷珍海道巡防萬戶，谷璋衛州總管兼防海運。

十月朔

脫分兵圍六合，六合帥乞援郭子興，以夙嫌靳之。公子曰：「六合下滁，其次矣。奈何以睚眦故失之，而諸將

畏元人強衆謂卜之不利。公子自往曰：事當內斷，何卜為？因同耿再成守瓦梁壘。元人攻之急，幾陷。復去之。凌晨完壘，復拒之。凡再四。因計紹之，歛我軍令婦女倚門，戟手，置之。元人疑沮，遂陣而出。前其輜重，婦女精卒翼之。徐引還滁州。元人不敢迫，雖無救，六合我克還。

十一月朔，元人攻滁州。公子設伏澗側，令耿再成佯北誘之。渡澗，伏發，皆下馬走。內兵又出擊，大敗之。獲馬甚衆。然畏元人強，詭還之。具牛酒，遣元將曰：城主郭子興老病，不任行，謹遣犒軍。城中皆良民，所以結聚備他盜耳。將軍欲獮戮之，民固畏死，非得已。抑今高郵大寇未殲，將軍舍而攻良民，不令并力耶？元將曰：是也。非良民肯歸馬乎？即解去。

十二月朔，酈元罷丞相脫，安置淮安。談遷曰：丞相百萬之衆，掃二三群醜，不啻竊土塵少。頃更之緩，滁且無餘矣。元自去脫，為我安其枕。曰：略和陽下，建業定鼎，東南拜元人之賜，不淺哉。

乙未元正十五年

正月朔，師乏食，諸將謀所向。郭子興言計多失，公子敬諫。

不聽驚、致疾子興再三召。公子力疾往告曰：困守孤城，非計。若謀所向，惟和州可。和城小而堅，可計取。難力破也。子興曰：安出？曰：向攻民寨，時得兵號三千，其文曰：廬州路義兵。今擬簡萬三千人，三千人被青，三千人被絳，青衣椎髻，左衽，佯為彼兵，載四橐，馳聲言：廬州兵送使者，和陽犒士必納。則乘以絳士取之，必矣。子興曰：善。使張天祐、湯和領青衣三千，趙繼祖為使者，前行。耿再成領絳衣萬人，繼之。期於城門會。天祐從他道，食失期。元將覺，總而戰，再成不利，中矢走。衆皆潰。元人追之。日暮，還天祐始至，值於道，急擊元人，夜還追。

至小西門，元人抽門橋，我軍奪焉。湯和斬其橋，繩天祐登城，大呼衣服相亂，遂入。據之。元平章也先帖木兒而再成還告。敗子興咎。公子失計，俄報元使招降兵，且至，益大恐。公子曰：毋畏。集滁兵於南門，召元使從南入。叱令膝行歸之。明日，元兵疑而引還。子興以再成、天祐陷沒，俾公子以三千往收其亡卒。公子復得千餘人，與徐達、李善長將之。夜至和州，知天祐等克城，呼於門。門炬。公子免胄示之，遂入。明日，撫定城中。元兵復至。公子開門，擊敗之。於是子興委公子總守和陽，總兵當位。諸將上而諸將多子興輩，且年長。

乃夜令人撒署中座置木榻俟旦會以觀其意旦諸將先入
皆右坐留最左末席與公子諸將臨事不能可否獨公子
專決之築城限諸將丈尺分甃居三日公子甃就視諸將
未也公子作色置座南向出子與檄曰主帥命我總諸君
也公等城不甃奈何今與諸公約違則以軍法相治皆惶恐
服初諸將頗殺掠公子悉取軍中所得婦女還人人大悅
高岱曰聖祖之駐滁和為取金陵計耳蓋金陵非大衆
未易克而衆非滁和豈能久集故略定遠以集衆據滁和
以俟時其施為節度胸中皆已有成筭蓋即兵家先堅後
攻之術也乃居濠州不能展尺寸及出濠至定遠即有衆
數萬駐滁陽鬱不自得辭滁和則能大振軍威乃知
蛟龍雖不能不藉雲雨而騰躍變化終不受制於人使漢
高不遣入關光武不遣徇河北則亦更始懷王之牙將耳
其何以自見哉

辛巳元兵十萬來攻和州公子及張天祐以萬人拒守間
出奇兵擊之

張士誠復據高郵

徐壽輝遣明王珍掠夔州王珍隨人世農家脩八尺重瞳隨

人相結也青山推為屯長歸壽輝拜元帥鎮沔陽敗元丞相
哈林禿兵沔陽饑以千人槩斗舡五十沂莢門留糧至巫峽
人多就之

二月朔起劉福通自碭山夾河求得韓林兒復立之都毫州
號大宋皇帝改龍鳳元年杜遵道成文郁為丞相劉福通羅
文素為平章劉祿為樞密院使林兒母楊氏善淫遵道通烏
林兒事決於左右日捕魚斫鮮為樂築樊樓歌舞不絕自稱
樊樓主人軍分三部閻先生潘王士誠等入晉冀趨上
都白不信李喜喜等趨閻中毛貴田豐等趨大都福通忌遵

道專柄令甲士搃殺之自為丞相稱太保

陸深曰嗚呼金元之際尚忍言哉宋室不兢金人乘之以
彼悍堅柱此柔脆宜有餘力矣元之蹙金戰伐彌苦弓馬
戈矛之間生民之幸不為糜爛者幾何哉渡江之師一惟
勇力是視孰不憐之殆庚申君之覆滅也嶺表首禍猶假
大金至正二年廣南卒以妖民託宋亡之餘天命真人神
武不殺克成混一之功亦微有資於龍鳳二者是可以觀
人心之向往矣語云枯雞尺蠖豈徒以血氣然哉耶因偽
僭以錄驅除抑亦頌聖人之興非偶然爾

談遷曰宋帝恩降元封瀛國公俾尚公主後因侍宴有奇
怪之徵忌之遣學佛法於帝師遂居漠北其後明宗逃居
沙漠行帳適與瀛國公相近締好甚密一夕明宗方寢聞
瀛國公帳中有笙鏞聲問其故乃嬰兒始生而啼也知其
非常人遂乞歸養為子安懽帖睦爾是也閩人余應有詩
紀之見何喬新鄭曉所載又瀛國難髮號令尊大師終嫌
死舅氏吳涇夢來告曰吾得請於帝行報矣噫由前而觀
則順帝即宋之遺裔也由後而觀則報元者安知非林兒
哉楚雖三戶亡秦必楚韓氏雖妖說搖動天下以為江左

之前茅將妖夢是踐亦不足怪矣

三月朔元兵屢敗去之和城復乏食而元太
副使絆馬住民兵元帥陳楚先各分戍高望新塘青山雞籠
山公子往攻之元乘我出則復至幕官李善長擊卻之元
兵皆走渡江蓋連戰三月乃解方急時諸將謂張天祐曰公
輩度能自卻元人乎否則當聲其援天祐遂往見林兒拜郭
子興都元帥天祐右副元帥公子左副元帥公子見檄
不受曰大丈夫不副人諸將曰明公方欲渡江舉吳楚兼甌
越今滁和間我屬我不受宋命生一敵也受之緩急猶可倚

夫公方舉大第奈何於彼示外耶。公子僅用其元紀年
談遷曰諸眾云。聖祖不受宋命則何以用其元也。漢之
初臣於義帝唐之初臣於突厥區。一命亦不足累也。後
制贈先人吳國公。聖祖無少諱宏哉。帝度矣。

濠帥孫德崖擁眾就食和州且求入城。公子畏其眾勉納
之郭子興聞大怒自滁來。公子迎見子興不言者久之已

問為誰。公子稱名對曰。因昔公困辱孫氏某實破其眾以
出今來此公無宿憾乎。子興默然而德崖亦不自安請還去
公子曰。今兩軍共城其下必有不諧者當令諸軍先行而公

自留後德崖從之。公子先送德崖部將頃之子興與德崖

關兵卒多傷。公子聞之與耿炳文吳禎策騎返扼於孫氏

軍有故人得縱。公子而馳追及之墜馬又故人呼馬同載

遇德崖弟慶兵前畧張某亟止之曰爾兄在郭公所若殺朱

君則爾兄益不保盍少待張走子興所見繫德崖共食張亟

反為孫氏軍請命且止。公子於麻陽子興聞之遣徐達等

數人博質釋德崖。公子乃還。

都元帥郭子興卒子興四子先二子忌。公子嘗閉之虛舍

絕其食。高皇后私懷鐺焦舖之又懼二子見匿焦當胸。

欲腐長子。戰沒餘子皆不良死。或曰皆公子意也。公子
子併將其軍。洪武三年追封滁陽王。妻滁陽王夫人。廟滁州
。王世貞曰：豪傑之興必有所憑藉。然未有如滁陽王者。誠
真龍於豫且之網而活之。且假以雲雨為非子而子非女
。而女上帝之有天下則誰力也。物無兩大中道而天顧胤
斬。聖代雖血食世。不絕焉。足當報哉。馬足當報哉。
方谷珍入據慶元。斥地至上虞。
四月初已朔。懷遠常遇春歸。遇春嘗從群盜劉聚薄之。公子以
其壯勇推為軍鋒。

孫德崖來爭滁州。為吳禎胡大海所殺。

左君弼據廬州。巢人廖永安俞通海合肥人張德勝無為人
桑世傑含山人華高共結水軍於巢湖。與君弼戰不勝。

五月初朔。巢湖水寨遣韓成來附。公子謀渡江。方需舟楫甚
善之。曰：吾事濟矣。即以兵往道。涸適大雨。乘漲達巢湖。

壬寅擊元中丞蠻子海牙於涪溪口。敗之。遂還和州。定渡江
之計。或欲直趨集慶路。公子曰：取金陵必先采石。此南北
襟喉也。

六月初朔。公子率諸將乘舟渡江。

丙辰廖永安請所向公子以來石重鎮勢難克牛渚磯臨
江彼不能備也元將康茂才陣磯上舟去岍丈餘不克登常
遇春飛舸奮戈躍而上諸軍從之元兵潰之克采石緣江諸
壘望風迎附乘勝抵太平路元平章完者不花萬戶萬鈞達
魯花赤普里罕忽里欲拒我急攻拔之完者不花僉事張旭
等遁執萬戶納哈出總管斬義出東門赴水死命禮殯之禁
鹵掠先令李善長具榜比入城榜之通衢皆歛輯富人陳廛
獻金帛即分給吏卒

丁巳召耆儒李習陶安對曰今四海鼎沸豪傑並爭攻城
屠邑互相雄長然其志昏在子女玉帛取快一時非有撥亂
救民安天下之心明公率衆渡江神武不殺人心悅服以此
順天應人而行弔伐天下不足平也

公子善之問取金陵
可乎曰金陵古帝王之都龍盤虎踞限以長江若取之據其
形勝出臨四方則何向不克

公子甚善之因預帷議
改太平路曰太平府李習知府事置太平興國翼元帥府
公子為大元帥李善長為帥府都事潘庭堅帥府教授汪廣
洋帥府令史陶安參幕府事分戍繕城旗志及將士戰衣皆
尚赤

辛酉元右丞阿魯灰副樞絆馬住中丞蠻子海牙等以巨舟
截采石江閉姑孰口絕我歸路方山寨民兵元帥陳瑋先率
數萬衆來攻大元帥遣徐達鄧愈湯和出姑孰東迎戰以
別將潛統其後轉戰至城北忽雙龍見雲端元人愕仰視我
夾擊之瑋先大敗擒而釋之使招其軍則皆降阿魯灰蠻子
海牙等見瑋先敗還屯峪溪口

甲子徐達克溧水州

七月辰趨集慶路留陳瑋先於太平命元帥張天祐往攻弗克
而還時瑋先故部曲行從陰語其母力戰

方谷珍陷温州黃巖章元善好從橫之術說谷珍曰夷狄無
百年之運元數將極不待智者而後知今豪傑並起有分裂
之勢足下奮襁一呼千百之舟數十萬之衆可立而待沂江
而上則南北中絕擅覬運之粟舟師四出則青徐連海閩廣
甌粵可傳檄而定審能行此人心有所屬而霸業可成也谷
珍不能用

八月申復議攻集慶以陳瑋先異志召諭曰人各有心從元從
我不汝強也瑋先誓不負縱之還我師亦止

克溧陽縣

戊辰陳桀先既歸收餘衆屯板橋陰合元御史大夫福壽而
陽報大元帥曰集慶左環大江右枕崇岡不利步戰晉隋之
取江左皆效於舟師矣元人復盛兵守之聯綴三十里餘進
虞斷後守憂乏餉未可攻也莫若南據溧陽東扼鎮江絕其
餉道持久而勝之 大元帥知其詐報曰歷代克江南長江
限之吾今已渡江據上游與晉隋勢異步戰足克公毋再圖
丁丑裨將習伯容克蕪湖縣置永昌翼元帥府伯容為萬戶
九癸月未朔陳桀先約元將左荅織里至其營詭生得之紹 大
元帥來受俘姑許之不往

丁亥 元子標生 皇后出

戊戌元帥張天祐等復攻集慶

己亥至方山破走左荅織里陳桀先遂叛合福壽拒我元帥

張天祐及郭某戰死子興長子也

己酉陳桀先追我溧陽經葛仙鄉民兵百戶盧德茂佯降以

殺桀先桀先從子兆先領其衆初天寧翼元帥定遠宋國興

年十一從擊桀先 大元帥衣以白龍袍與常遇春馳入其

軍戰不勝被執以為大元帥殺之 大元帥得間脫是日國

興妻曹氏赴井死國興弟日成

何喬遠曰予讀國史宋國興佚焉西寧侯世恩為予言其
狀死之日高帝盡國輿像賜其家衣白龍袍也盡旁常
關平方為小校從捉刀國興死與韓成何異嘗恠紀信誑
楚其人皆荆軻聶政之儔而不得漢高祖一封當亦曰帝
王自天授豈借一夫代其死命哉

十月朔

十一月朔元殺右丞相脫於淮安

十二月朔釋元萬戶納哈出北歸元初功臣納哈出居常愧

不樂令降將萬戶黃傳規之納哈出曰雖荷朱公不殺而北

人終思北國并元御史張資遣之

元中丞蠻子海牙復大扼水軍於采石陳兆先屯方山與海

牙相望我治石礮巨艦列守要害待之

丙申元至正十六年宋龍鳳二年

正月朔

二月朔張士誠陷平江路先是士誠以淮東饑適江陰盜朱

定導之遂留兵高郵自通州渡江陷常熟至是攻平江守將

楊椿力戰死總管貢師泰遁去因轉掠松江湖常易平江路

曰隆平府即承天寺為行宮第士德為平章陰陽人李行素

為丞相蔣輝為內丞相潘原明為左丞相鎮湖州使李伯昇
節制軍事王敬夫蔡彥文葉德新為參軍鍛工周仁為陰平
太守
丙子大元帥擊蠻子海牙使常遇春設疑兵而大軍搗之
既合遇春別操輕舸衝元舟為二左右翼擊飛破碎其舟大
破之俘獲萬計南北道始通蠻子海牙走集慶

三月辛巳朔大元帥趨集慶

癸未至江寧鎮敗陳兆先擒之降其衆三萬六千人擇驍健
五百人夜置帳下獨使馮國用執寢戈
大元帥解甲酣寢

三萬六千人皆安

庚寅進兵集慶未及五里大鼓噪元人皆驚行臺御史大夫
福壽出戰擊敗之大軍薄城下梯而登福壽猶巷戰兵潰坐
鳳凰臺或勸之道叱而射之遂遇害平章阿魯灰參政伯家
奴集慶路達魯花赤達尼達思等亦戰死獲御史王槐元帥
李寧等三百餘人蠻子海牙走投張士誠水軍元帥康茂才
苗軍元帥尋朝佐訐成劉哈刺不花海軍元帥葉撒及阿魯
灰部將完都等各率衆降召官吏父老曰元失其政所在紛
擾兵戈並起生民塗炭吾為民除暴亂耳各守生業賢人君

子吾禮用之舊政不使吾除焉得民兵五十餘萬閔福壽禮
葬之

丘濬曰自古帝王之都多在江以北江南形勢之地莫若
金陵自孫吳都此繼以東晉宋齊梁陳終於南唐凡七代
皆偏安一隅惟聖祖始混一天下建都於此蓋自開闢
天地以來所未有也

高岱曰自古帝王創業皆先定中原而後跨有東南未有
起東南而後取西北者有之自聖祖始聖人受命豈擇
地而興哉聖祖龍飛淮甸與漢高之起豐沛地不甚相

遠然漢高首事北徇梁宋聖祖開拓南取金陵則勢有
所不同耳嬴秦世載其虐天下欲亟亡之故先破關中而
後削平海內元綱解紐群盜並爭民所感願不先於元故
先芟群雄而後北逐此緩急殊勢故南北之異趨也

陳仁錫曰太祖順流自采石取金陵成祖逆流自儀
真入金陵長江險矣而江防為要宋人之言曰屯兵據要
雖在於江南而挫敵取勝多在於江北
辛卯改集慶路曰應天府置天興建康翼統軍大元帥府廖
永安為統軍元帥趙忠為興國翼元帥守太平置上元江寧

二縣錄儒士夏煜孫炎楊憲等十餘人
大元帥慮諸將縱卒惠民悉召徐達等數其不能戢下令軍
正使定罪李善長懇救乃免於是命徐達等取鎮江戒毋燹
掠毋屠僂諸將故大元帥等夷獨湯和恭謹不敢鈞謹諸
將以次臣屬焉

丙申徐達湯和張德麟廖永安攻鎮江明日克之苗軍元帥
完者圖出走守將段武平章定定戰死達入城號令明肅一
切安堵如故達自是專將
己亥置淮興鎮江翼元帥府徐達湯和為統軍元帥改鎮江

路曰江淮府

置秦淮翼元帥府俞通海為元帥

前元江南行臺侍御史洛陽秦從龍僑鎮江大元帥幣迎

之治館召與謀所籌輒書於漶簡語已輒滌人莫得聞也從

龍薦處士陳遇大元帥手書徵之稱先生不名

四胡于張士誠陷湖州

乙丑克金壇縣

五庚辰朔當塗人獻瑞麥

六卯卯元帥鄧愈邵成總管湯昌克廣德路改廣興翼行軍元

帥府

辛未置行樞密院於太平總管花雲為院判

壬申降人陳保二叛附張士誠誘執我將唐

李以去二保

常州奔牛壩人

乙亥遣儒士楊憲遺張士誠書通好書曰足下兵由通州遂

有吳郡昔隗囂據天水以稱雄今足下據姑蘓以自王吾深

為喜吾與足下東西境也睦隣守國保境息民古人所貴吾

甚慕焉自今以後通使往來毋惑於交構之言以生邊釁士

誠不悅拘之

七月卯朔大元帥進為吳國公即元御史臺居之置江南行

中書省李善長宋思顏為參議李夢庚郭景祥為左右司郎

中侯原善楊元果陶安阮弘道為員外郎孔克仁陳養吾王

愷為都事王瑋照磨藥鳳管司夏煜韓子魯孫炎博士

置帳前總制親兵都指揮使司馮國用為都指揮使

置左右等翼元帥府華雲龍唐勝宗陸仲亨鄧愈陳兆先張

彪王王陳本等為元帥

置五部都先鋒陶文興陳德等為之

置省都鎮撫司孫養浩為鎮撫置理問所劉禎秦裕伯為理

問置提刑按察使司王習古王德芳為僉事置兵馬指揮司
達必達為指揮譏察奸偽

置營田司

辛丑張士誠來攻鎮江徐達湯和擊敗之龍潭命達攻常州
吳國公益其兵三萬薄城而壘士誠弟士德以數萬衆來援
達設伏待戰總管王玉別將鉄騎衝其中堅軍亂王子虎追
士德及坎墜馬擒之士德梟鷲有謀至是士誠氣沮

二月丙朔張士誠元帥江通海來降

庚午常州久不下奪元帥徐達以下俱降一秩書讓之曰唐
降失陳保二老師孤城吾所以重過將軍也將軍勉思補前

過大善否者三尺不貸

九月丙朔吳國公如江淮府謁孔廟勸農完城塹置金山水
寨總管徐忠領之過寇南北乃還

十月未朔常遇春為管軍總管

戊申張士誠遣孫居壽求成歲輸粟二十萬石黃金五百緡
白金三百斤請釋士德吳國公報歸我楊憲加粟五十萬
石始旋師士誠不答

十一月以常州久不下益兵二萬人圍之初張士誠誘降我長

興元帥鄭僉院兵七千人因率僉院攻徐達湯和壘扼於牛塘常遇春廖永安胡大海與達內外夾擊大破之擒其將張德士誠更遣呂珍協守常州

丁亥次子樵生

十二丙子朔復名江淮府曰鎮江

王志為懷遠將軍右副元帥

丁酉元至正十七年宋龍鳳三年

正丙子朔日食

二丙午朔耿炳文劉成自廣德克長興張氏將趙打虎以三千

人逆戰敗走之擒守將李福安岑失蠻等獲三百艘義兵萬戶蔣毅以二百人降儒士溫祥卿避亂來歸炳文禮異之留贊軍事

三丙亥朔改長興州曰長安州立永興翼元帥府耿炳文為總兵都元帥劉成李景元為左右副元帥守之

壬午克常州張氏兵雖衆食盡拔之呂珍遁

廖永安為行樞密院同僉俞通海為行樞密院判官常遇春

為中翼統軍大元帥胡大海為右翼統軍元帥克宿衛

丁亥置毘陵翼湯和為樞密院同僉總管張赫為元帥守之

改常州路曰常州府臨邑人高復榷知府事復大有惠政
乙丑復改長春府為常州府改晉陵武進二縣曰京臨永定
尋併永定
徐達常遇春桑世傑克馬馱沙
明王珍陷重慶

四丁卯吳國公克寧國路先是徐達先是徐達常遇春兵往
不拔乃自授之造飛車前編竹為重蔽道並進守臣楊仲英
乞等降百戶張文貴妻妾自刎死文貴自殺執元帥朱亮祖
釋之得軍士十餘萬馬二十餘匹屬縣太平旌德南陵涇縣

以次下

五朔亥朔張士誠遣左丞潘原明元帥嚴再興侵長興屯上親
橋耿炳文擊敗之俘斬甚衆

談遷曰國史於陳友諒張士誠輩輒書寇夫寇非所言也
彼未我臣何寇焉俱田間布衣仗尺劍起事雖仁暴懸殊
亦自有幸不幸焉若元之左衽其帝中國久矣蒙其生養
之力亦未盡以春秋之義繩之迨驅之沙漠之外則直夷
之矣不得以概論也
戊寅上元鍾山鄉人進瑞麥

已卯江淮行樞密院副使張鑑僉院何文政攻泰興張氏兵來援元帥徐文興張斌擊敗之克泰興

壬午常遇春駐銅陵池州路總管陶玘祖來降

丙申常遇春遣趙忠王繼祖攻池州之青陽趙普勝來援繼祖擊敗之克青陽普勝本巢湖水軍元帥叛降徐壽輝驍勇

善雙刀

樞密院判官俞通海趙斌略太湖馬蹟山降張士誠將鈕津等遂歷東洞庭山呂珍兵暴至衆欲退通海曰不可我寡以甲蒙士督戰於舟前曰俞將軍呂珍疑之引去

六月未趙繼祖郭天祿吳良取江陰周人據秦望山拒我攻走之初張氏跨有淮海浙西則長興江陰其要也長興據太湖口陸走廣德江陰枕大江扼姑蘇通州之津今並為我有侵

軌路絕

七月丑徐達徇宜興克常熟擊張氏兵敗之

戊寅鄧愈胡大海克績溪

庚辰胡大海克徽州元帥八思爾花及建德路萬戶休寧吳訥拒戰擊敗之走遂安訥自殺歛人鄭玉善五經左遷春秋教授於鄉大海欲致之玉曰吾既不得慨慷殺身以厲風節

猶當從容就死以全節義明日具衣冠夫婦同縊
二十元帥鄧愈為行樞密院判官陳德為帳前大元帥萬戶
吳復為統軍元帥康茂才為秦淮翼水軍元帥
己丑改徽州路曰興安府立雄鋒翼元帥府命鄧愈守之
丙戌元帥葉公權江軍信克黟縣

元帥胡大海克休寧進攻婺源元左丞楊完者以兵十萬欲

復徽州戰城下破走之殺鎮守李才

八月丑元授方谷珍江浙行省叅知政事海道運糧萬戶如故

九月酉朔元婺源州元帥汪同總管王起宗黟縣戶葉茂初門

元帥馬國賢來降

甲戌元浙江平章夏章等來歸

丙戌廣興翼元帥賈子賢克武康

十月申申翼大元帥常遇春自銅陵進攻池州克之斬元帥洪

得糧九千餘石

甲申吳國公閱軍於大通江命元帥繆大亨取揚州青軍

元帥張明鑑等出降得衆數萬馬二千餘匹置淮海翼元帥

府元帥張德林耿再成等守之改揚州路曰淮海府李德成

知府事時城中居民僅餘十人家

十一月朔徐壽輝將陳友諒殺其大將倪文俊居江州
十月丙戌明玉珍據重慶

己丑今日干戈未寧人心初附犯者縲有司吾甚憫焉其自
今日二十日昧爽前罪無輕重皆釋之
戊戌元至正十八年 宋龍鳳四年

正朔戌樞密院司僉廖永安判官俞通海桑世傑攻張氏元帥
藥瑞於江陰石牌寨克之世傑戰死

甲寅廖永安為同知樞密院事

張士誠侵常州守將湯和擊敗之俘數百人

乙卯行樞密院判鄧愈遣王弼孫虎汪同孫茂先等取婺源

州克之殺守將鉄木兒不花獲士卒三千人

是月陳友諒陷安慶元淮南行省左丞余闕死之

姚福曰余公子安慶群盜四面攻之太祖與接壤不加

一簇何也其時友諒僭大號據全楚太祖提師渡江而

東若悉力以攻堅城不惟頓兵挫銳然自撤屏翰身受強

敵則亦安能從容俛仰礪兵秣馬以觀四方之釁而出萬

全之計哉此其遠略何如也以是而論余公雖為元守實

為我用其後友諒雖下安慶兵力自是漸衰而勃興之朝

已莫能禦豈非天哉
二月亥吳禎為天興翼副元帥同兄良子江陰成卒亦五千入
接壤張氏練兵積穀民甚賴之
常遇春為江南行中書省都督馬步水軍大元帥朱文忠為
帳前總制親軍都指揮使司左副都指揮兼領元帥府事元
帥康茂才為營田使兼帳前總制親軍左副都指揮諭茂才
理財之道莫先於農春作方輿且分巡各處俾高無患乾早
不病滂務畜洩有時若使有司增諸館舍迎送奔走非付任
之意文忠公姊子也

單安仁為提刑按察司副使

三月丙改毘陵翼為指揮司

命提刑按察司僉事分巡郡縣錄因

丙辰克建德路初行樞密院判官鄧愈親軍左副都指揮朱
文忠元帥胡大海自徽州昱嶺關出遂安敗長槍元帥余子
楨兵又追敗之淳安降三千人抵建德元勳政不花院判慶
壽長槍元帥謝國璽達魯花赤喜伯都刺總管楊瑀棄城遁
楊璟尋朝佐為帳前總制親軍副都指揮使
壬戌改建路德曰建安府立德興翼元帥府

元江浙行省左丞楊完者來攻建德鄧愈擊敗之降三萬人
進愈同僉行樞密院事胡大海為行樞密院判官留文忠鎮
建安

元進方谷珍江浙省行參政尋擊張士誠於崑山海上大敗
之因屢進太尉江浙左丞賜衛國印弟子賓客皆拜大官

四月初己朔徐壽輝平章陳友諒遣將趙普勝自樞陽陷我池州
樞密院判趙忠被執

庚午元左丞楊完者攻徽州胡等擊敗之

丁丑楊完者攻建德朱文忠擊敗之獲萬戶羅壽

甲申陳友諒陷元龍興路

五朔子楊完者復攻建德屯烏龍嶺同僉鄧愈擊走之

六朔酉左副都指揮朱文忠下浦江有感德鄉鄭氏自宋聚族

同居至元旌義門復其家至是戒吏卒無犯

中翼右副元帥謝再興元帥趙德勝總管劉貞略石埭值陳

友諒兵敗之擒其將錢清孟友德張遵道等及部卒四百餘

人

甲午張氏侵常熟廖永安敗其兵於通州狼山大獲戰艦

丙申總管胡通海等克九華山寨萬戶鮑以二千人據

寨設險兵莫能進乃潛師攀崖魚貫而上火攻克之

七月酉朔

八日丑張氏侵江陰守將吳良擊走之

元江浙同僉官成遣苗軍元帥秦不花等通款初元檄寶慶苗楊完者舉兵攻復徐壽輝楚地轉至池饒江浙行省丞相達識帖木迺藉其力守杭屢敗張士誠完者恃功驕橫達識帖木迺陰約士誠攻其營完者倉卒不及備遽自經其衆奔潰部將官成等欲報怨令秦不花先至云苗帥李福等三萬人在桐廬願効順命朱文忠往撫之元失完者士誠始有杭

州

九月初戊鄧愈為僉行樞密院事

元江浙同僉官成率元帥李福劉震黃寶蔣英以三萬人降

朱文忠受之令元帥夏子實率千人統其衆於新城送官成

應天

十月初未樞密院判胡大海取蘭谿縣獲元廉訪使趙秉仁等十

四人馬牛羊萬頭立闕越翼元帥府進攻婺州

甲戌徐達即榮克宜興初久攻未下公聞城西通太湖致

餉命絕餉道拔之同知樞密院事廖永安以舟師邀於太湖

深入為呂珍所獲

戊寅改宜興曰建寧置全吳翼元帥楊國興等守之尋仍宜興州

壬午雄鋒翼總管胡天福袁政江大亨取開化斬五百級擒達魯花赤脫、鉄木兒

戊子元帥羅友賢復取建德先趙普勝陷之至是簡銳戰葛公嶺斬萬戶汪彥章普勝遁

十一辛丑立管領民兵萬戶府俾農時則耕暇即習武有功概擢庶幾古人寓兵於農之意

壬子又次子楠生

十二丑朔日食

籍戶口

庚午遣主簿蔡元剛招東陽長槍元帥謝國璽不從其部將同僉何陰遣龔故約降

庚辰吳國公自寧國趨徽州道問故老者儒賜布帛前池州學正休寧朱升對曰高築墻多積糧緩稱王吳國公大悅又儒士唐仲實姪璉來謁問鄧愈築城百姓怨乎仲實曰頗怨立罷之至德興聞張氏據紹興之諸暨乃引兵道蘭谿

壬午抵婺州樞密院判胡大海為僉樞密院事命祿史周得
遠入諭不下圍之而元魯知政事石林宜孫守處州與魯謀
胡深等以萬人出縉雲來援深至松溪未即進公聞其戰
車數百輛謂山隘非便遣胡大海與其子德濟擊破之梅花
門外擒元帥李彌章婺人大恐樞密院同僉甯安慶都事李
相關門納師浙東廉訪使楊惠婺州達魯花赤僧住皆死之
執南臺侍御史帖木烈思院判石林厚孫等

甲申入婺州斬取民財者以徇先一日城西五色雲網緼如
車蓋及是知公所駐兵地也

丙戌置中書分省於婺州調李夢庚郭景祥為分省左右司
郎中王愷為都事夏煜為博士樂鳳為管勾立金華翼元帥
府改婺州曰寧越王宗顯知府事諭之曰克敵以武安民以
仁吾師比入建康秋毫無犯故一舉遂定今婺民始甦當軫
卹使樂於歸附則諸郡縣景從矣
立觀星樓於分省東偏置寧越稅課司及雜造局織染局
賑貧民禁酒

辟儒士范祖幹葉儀祖幹持大學入問治道何先曰不出此
書召儒士許元葉瓚胡翰吳況汪仲山李公常金信徐夢章

冀戴良吳履張起故孫履皆會食省中日令祖幹儀進講治
道文史授諮議皆辭祖幹少師許謙親沒不能塋鄉人治塚
悲哀三年如一日命建純孝坊

選寧越七縣富人子弟宿衛曰御中軍

寧越女曾氏自言善天文妄言災異僂之

浦江民兵可大降

雄鋒翼元帥王過成狗下昌化

吳國公遣儒士陳顯道招方谷珍

己亥元至正十九年 宋龍鳳五年

正月已諭諸將徇浙東曰每聞諸將克城不妄殺輒喜不自勝
蓋師行如烈火火烈則人受殃為將能不殺匪獨國慶已亦

蒙福

戊申平章邵榮敗氏兵於餘杭

外本瀾灶至以 三十日 珍魚鹽負販生長海濱向者因怨
一郡非敢稱亂迫於自救而已惟

四揚威武以制四方谷珍向風慕義

坐過不能自達令猥加訓諭俾見天

日此谷珍之素願也謹上陳懇款或有指揮願效奔走因請

冀戴良吳履張起敬孫履皆會食省中日令祖幹儀進講治
道文史授諮議皆辭祖幹少師許謙親沒不能塋鄉人治塚
悲哀三年如一日命建純孝坊

選寧越七縣富人子弟宿衛曰御中軍

寧越女曾氏自言善天文妄言災異僂之

浦江民兵可大降

雄鋒翼元帥王過成徇下昌化

吳國公遣儒士陳顯道招方谷珍

己亥元至正十九年宋龍鳳五年

正朔已諭諸將徇浙東曰每聞諸將克城不妄殺輒喜不自勝

蓋師行如烈火火烈則人受殃為將能不殺匪獨國慶已亦

蒙福

戊申平章邵榮敗氏兵於餘杭

己卯方谷珍來款書曰谷珍魚鹽負販生長海濱向者因怨

冢構誣迺死海島遂有三郡非敢稱亂迫於自救而已惟

公起義濠梁東渡江左奮揚威武以制四方谷珍向風慕義

欲歸命之日久矣道路壅遏不能自達今猥加訓諭俾見天

日此谷珍之素願也謹上陳懇款或有指揮願效奔走因請

以三郡內附如錢鏐故事歲貢白金贍軍遂遣鎮撫孫養浩
報之獻黃金五十斤銀百斤金織文綺百端
戊午雄鋒翼元帥王過成李茂先攻臨安張氏以右丞李伯
昇來援擊敗之

庚申送元臣帖木烈思等於應天帖木烈思霄遁

耿再成為行樞密院判官屯縉雲之黃龍山規取虔州

俞院胡大海克諸暨張氏元帥華 敗走萬戶沈勝降八

之其衆復亂作擊敗之擒四千餘人馬六十匹改諸暨曰諸全

州帳前元帥張彪為統軍元帥兼知州事王王副元帥兼同

知分省照磨汪廣洋總理軍儲仍命大海攻紹興

儒士許瑗王冕謁 吳國公問時務稱肯留用授冕諮議叅

軍尋卒

命寧越知府王宗顯開郡學聘葉儀宋濂為五經師戴良為

學正吳沉徐原為訓導喪亂之餘始聞絃誦

嵯縣萬戶郝原降

二 甲子朔立樞密分院於諸全州置明海翼元帥府謝再興為

院判王玉等為帥

張氏兵侵江陰同僉蘓某屯居山守將吳良令弟禎出東門

擊之又元帥王子明出南門合戰擒元帥陶某裨將蔣英等二百人斬溺甚衆

癸酉平章邵榮攻湖州初李伯昇來攻度其疲鼓噪伏發大敗之追至城下失利還臨安

三明年宥獄囚令曰春氣發育草木昆蟲猶得自遂其生而吾民有久繫於獄者抑鬱悲愁之氣悲傷天和今除大逆無道及敵之偵伺拘繫外餘悉原之

丁巳張氏侵建德親軍左副都指揮朱文忠擊破之

方谷珍遣即中張本仁獻溫台慶元圖籍約事定即納土且

質其次子閔 吳國公曰凡質疑也不疑胡質厚賜遣之閔後改名明完

陳氏將趙普勝侵寧國之太平縣總制胡維賢使萬戶程允同義士汪炳叔擊敗之獲餉萬七千餘石

四 癸酉復池州初趙普勝陷我池州自屯樅陽水寨數見擾元帥徐遵遣院判俞通海等擊敗之獲勝艘數百艘遂復池州進達奉國上將軍同知樞密院判通海僉樞密院事
戊寅立樞密分院於寧越常溫春為鎮國上將軍同僉樞密分院事守之

帳前元帥陸仲亨攻衢州不克而還

俞院胡大海敗張氏兵紹興蔣家渡追至蕭山東關又敗之

張氏兵侵建德叱大浪灘親軍左副都指揮朱文忠大破之

唐辰陳保二侵宜興守將楊國興敗擒之伏誅

張氏兵復爭建德據分水嶺朱文忠遣元帥何世明擊破之

斬五百餘級

丁亥張氏兵侵常州守將湯和擊敗之擒千餘人馬三千餘

匹

己丑李伯昇侵婺源守將孫茂先擊敗之

五 壬辰朔賜寧越節婦松氏粟五石

辛亥 吳國公召胡大海於紹興諭以寧越重地特命爾守

今衢州則宋伯顏不花多智術處州則石林宜孫善用士紹

興則呂珍皆密邇寧越其與常遇春協力規取之彼勁敵不

可忽也留左右司員外郎侯原善都事王愷管勾藥鳳綜理

軍餉

旌浦江鄭氏復其冢手書孝義門鄭氏自滎陽遷歎再遷睦

至鄭淮遷浦江性好施予靖康中鬻田千畝人稱曰仁義里

淮子昭、子綺號冲素處士最孝初娶丁氏甚愛之以饋姑

食稍緩如志即出之重娶阮氏與其姒不相能復出之或謂其甚綺曰以一婦人故使一家卒矣綺義不為身素強亡疾一日晨越沐浴冠服拜先祠針大指出血滴酒中召子姓列飲之矢曰子孫有異志不共財聚食者天殛之語畢而逝至孫文六世同居元至大四年旌其門

馮時可曰語曰賢人出國將昌子孫賢族將大浦江鄭氏五百年同居居於冲素處士一針指血彼其秉心純實與天合德哭泉一出哭雪一融厚積深培善源和氣蒸綿綿故能長世豈偶然哉彼厚自封殖為子孫牛馬而死不旋踵門更戶改信乎勢力之不如德也

六胡戎朔吳國公自寧越還應天

元平陽州山寨叅政周宗道台州山寨馮輔卿岷縣萬戶趙

可蘭新昌萬戶俱來降

甲子呂珍圖諸全州堰水灌城胡大海來援奪其堰反灌珍軍珍困馬上折矢誓解兵許之都事王愷以珍狡不足信大海曰言出而背之不信乘其去擊之不武遂引兵還

己巳吳國公至應天

是月金院俞通海攻趙普勝不克諸將患之吳國公曰普

勝雖勇寡謀可間也偵所善客通書故悞達普勝因疑客客
來歸盡得普勝事資客間之陳友諒每友諒使至普勝輒自
功因忌之

七月己樞密院同僉常遇春攻嚮州元臣宋伯顏不花等力禦
之

八月庚午元帥朱文遜秦友諒克無為州

九月癸巳奉國工將軍徐達等自無為陸攻浮山寨總管胡某敗
走青山陳氏叅政郭泰迎戰沙河僉院張德勝又大破斬之
克潛山縣

乙未陳友諒疑趙普勝自至安慶普勝再迎殺之

丁未克嚮州常遇春圍城浹月元樞密院判張斌迎降總管
馮浩赴水死擒宋伯顏不花院判朶粘等得粟八千石改龍

游府武義知縣楊知府事立金斗翼元帥府唐君用為元

帥夏義副之朱亮祖為樞密分院判官遇春還寧越

甲寅遣博士夏煜授方谷珍福建行中書省平章政事谷璋
右丞谷瑛叅政谷珉樞密分院僉院各給符印谷珍稱疾受
之不用惟谷珉開樞密分院署事時聞未偏我公示之必
有而谷珍事元翰粟如故

十劫申元帥俞廷玉攻安慶不克卒於軍

張氏兵侵守將吳良遣萬戶聶貴蔡顯間道出無錫三山絕其後乃遁

同僉樞密院事常遇春為僉樞密院事

十一寅胡大海克處州初石抹宜孫遣元帥葉琛屯桃花嶺

謀林彬祖葛渡鎮撫陳仲賢照磨陳安屯樊嶺元帥胡琛守龍泉至是皆怠琛來降因拔樊嶺桃花嶺葛渡等砦薄城下

石抹宜孫戰敗葉琛章溢走建寧彬祖走温州各縣皆下

辛亥改處州路曰安南府義烏知縣王道同知府事立安南

翼元帥府朱文剛為元帥李祐之副馬耿再成為樞密分院判官守之分省都事孫炎理餉

十二月張氏兵復據分水之新城元帥何世明擊走之斬元帥

陸某等千餘人自是吳人不敢窺嚴婺

戊辰僉院常遇春攻杭州

親軍副都指揮使楊璟為樞密判官

庚子元至正二十年宋龍鳳六年

正月亥夏煜還言方谷珍請狀遣都事楊憲傳仲彰諭之書曰汝地蕞爾忽事大之禮吾寧不能遣一偏裨將十萬衆直窮

海島以取汝耶第汝率先來歸姑忍須臾待汝自改谷珍不
省

乙卯復名寧越府曰金華

二期甲元福寧州行省參政袁天祿遣古田戶林文廣福清州
同知張布伯景仁李世忠俱通款

三期子朔淮海翼元帥府改江南等處分樞密院繆大亨同金
樞密院事總制軍民大亨有治才民德之

徵青田劉基龍泉章溢麗水葉琛浦江宋濂主應天基元進
士授高安丞自免補浙江儒學副提舉以臺梓歸同魯淳字

文諒葦游西湖見西北異雲曰天子氣也宜在金陵我後且
輔之衆駭誕獨門人沈京共飲西蜀趙天澤尤奇之謂孔明
儔也幸自愛已辟行省都事中讒落職助石林耳孫討盜功

遷總管府判棄去濂元進士至正己丑任國史院編脩

甲辰辭不拜基等召至公坐問爭戰何時定乎濂曰不嗜
殺人者能一之公大悅曰吾為天下拙四先生客於禮賢

館

許重熙辨劉基西湖彩雲事云高帝得金陵六年方略
浙東基在石抹耳孫幕中浮雲寨戰敗繆美執送金陵放

歸孫炎總制處州龍泉葉子奇三上書薦基炎奏聞始聘
基力辭謝炎寶劍卻之作寶劍歌勸其出基乃就
王世貞曰天其巧合世哉夫古稱豪傑勇智士不相用則
角也夫角曷以全誠意三遇仕元獻策不用罷乃歸我是
元遺太祖以誠意不使角而使為用也嗚呼巧哉
鄧元錫曰當勝國之季天下學士多奔走失業惟宋學士
與誠意數公習古學不廢宋隱約山澤劉馳驅州縣至淺
鮮矣明興高皇帝以神武定天下群策畢驟然幃幄成
敗安危呼吸之斷非誠意莫任而學士以德行文章潤色

鴻業為

明儒冠非淵螿蟻屈詎能有伸哉

談遷曰先生之名雖重不知所自薦或曰胡大海彼蘇章
跣注亦解為魏無知耶西先生道桐廬欲招友人徐舫不
受野服揖謝其後葉死魁劉死讒宋死成遜哉冥鴻於徐
舫疇得而弋之

召常遇春於杭州初公戒遇春曰克敵在勇全勝在謀彼
關羽之覆謀不足也及攻杭州數失利元帥劉忙古掾史商
尚質俱戰沒故召還

四朝商皇子棣生

五月亥朔陳友諒侵池州先命俞院常遇春助徐達伏萬人
九華山下俟敵至伏發夾擊斬萬餘級擒三千餘人遇春慮
患欲殲之達不可馳奏公報以天下戰方始毋多殺以逆
距之而遇春夜坑十之九公不憚俱釋還友諒報曰此非
我意乃邊吏偶戰耳

閏丙辰朔陳友諒以舟師犯太平守將樞密院判懷遠花雲率
總管朱文遜出戰文遜死之攻三日引巨舟攀堞而登城陷
縛雲憤而大呼縛盡裂奪力殺五六人遂縛雲舟播射死之
罵不絕口院判儀真王鼎知府樂平許琰皆被殺後塋雲江

寧縣水橋初雲戰方急夫人郗氏抱三歲兒拜家廟泣語家
人善撫之自赴水死侍兒孫氏負兒去值漢兵擄至九江兵
中惡養小兒孫以兒屬漁家是冬漢破孫走漁家竊兒逃脫
簪篸舟會漢潰兵還奪舟梓之江中遂抱兒過斷木浮至附
入葦洲採蓮實哺兒七日不死夜半聞人聲呼之逢一老父
云雷老告之故與俱行明年辛丑二月達建康孫氏以兒入
見且泣公亦泣膝見曰此花雲子將種也賜雷老衣遣之
命復其猛忽不見

袁宏曰予嘗覽尹直楊廉林塾諸家所纂述不為雲立傳

豈以雲官不顯耶夫以雲之才勇使不死封侯豈足道哉
以新造之孤城當方張之勁「疲兵三千抗數十萬虎狼
之衆城破身縛慷慨激烈有張睢陽顏常山之風視倉卒
死鋒鏑者殊不侔矣乃獨不得與胡越國同何耶
陸深曰宋太史讀花東丘傳而異其所謂雷老者豈一時
豪杰士類脫人於難而併與身名焉隱之至託之神物甚
矣其江流斷木抑亦有天命可以為難
何喬遠曰花將軍烈矣封亦不得與蓋以守城而失之與
草昧之初用寡抗強難矣

戊午陳友諒弒徐壽輝於采石初友諒率舟師十萬挾壽輝
而東至是遣人白事壽輝前從後椎殺之即采石五通廟為
行殿稱漢皇帝改大義元年雨甚群臣藉卉泣而拜仍鄒普
勝太師張必先丞相張定邊太尉必先定邊亦驍將也漢人
稱必先曰潑張友諒馮陽人本姓謝祖干一贅於陳改氏父
普才黃蓬漁子也友諒膂力過人習武常為縣吏不樂因羅
田徐壽輝等兵起慨從之為倪文俊簿書掾尋領兵為元帥
談遷曰徐壽輝僭位號殆十年雖紼緩不自振其遣將所
摧陷幾海內之年誠陳涉之流也友諒慄悍專盜國柄欲

為天完之純臣固已難矣第倉皇易命等於兒戲又何待
於事敗始足矍然哉

漢兵壓建康且約張士張並進吳國公謀禦之或議戰議
款議奔鍾山惟復不決劉基獨無言公就語張曰請先斬
主款及奔鍾山者問計安出曰敵驕矣誘之深入伏兵徼取
之故易耳取威定霸在此舉而言納款及奔何也公意
決語指揮康茂才曰張陳合攻患滋矣吾先破漢則吳人氣
奪汝能速之使來乎茂才稚游友諒所為書約內應令分兵
三道入茂才如指使閣人致友諒書友諒見之曰故人也問
起居曰康公安在曰守江東橋曰堅乎曰木也友諒悅遣還
約吾至呼老康而有自漢逃者云漢王問新河之道公命
李善長易橋以鉄石使趙德勝跨新河城馬使常遇春馮勝
華高伏三萬人於石灰山側徐達軍南門楊璟軍大勝港張
德勝朱虎舟師扼龍江公自屯廬龍山偃黃赤幟於山之
左右令曰敵至舉赤幟鼓聲舉黃幟則伏盡發漢兵果三道
自入大勝港港狹即出江衝江東橋見皆鉄石疑之數呼老
康莫應友諒急即分萬人登龍江列柵方暑甚公謂天且
雨令諸軍食少選雨至舉黃幟伏發徐達張德勝朱虎夾擊

大破之友諒遁斬溺二萬計其將張志雄梁鉉喻國興劉世
衍等皆降皆安慶之戍也公知安慶無備命徐達馮國勝
張德勝等乘勝取之追及慈湖火其舟至采石廖永忠大呼
殺入華雲龍躍馬搗其中堅王銘挺而進漢人攢槊刺銘傷
頤三周於陣又大破之德勝死周顯戰視渡橋亦破之漢人
晝夜不得息棄太平達追至池州而還元帥俞仲中復安慶
守之

丁卯置儒學提舉司宋濂為提舉世子受學

戊寅克信州初公命僉院胡大海擣廣信以牽漢人大海

遣元帥葛俊道衢州都事王愷馳告大海曰廣信為漢門戶
必宿重兵若偏師取敗衢其搖矣大海即自往戰靈溪大敗
之拔其城

甲申改信州路曰廣信府段伯文為知府立龍虎翼元帥府
元帥葛俊周隆副之

罷各郡縣寨糧初招安郡縣俱輸糧病民胡大海奏罷之
六朔成朔安慶總管童敬先為省都鎮撫兼安慶翼統兵元帥
辛亥更城太平城初臨姑溪易陷至是遠姑溪三千步餘
壬子樞密院判官耿再成敗石抹耳孫於慶元縣宜孫走竹

口兵潰走桃花嶺戰死公義而祭之處州民亦祠且孫
甲寅總管程輝子銅陵能綏戢軍民

七月五漢院判于光左丞余椿守浮梁來降已浮梁陷奔於我

八月朔明玉珍閉夔關立徐壽輝廟於成都自稱隴蜀王

九月五朔親軍左副都指揮朱文忠同僉樞密院事

張氏使諸全元帥袁實戰沒

元江浙同僉鄭

以兵降楊完者部將

張氏同僉呂珍元帥徐義侵長興守將耿炳文擊破之總管

湯泉張珙戰死

戊寅故徐壽輝袁國公黃岡歐普祥以袁州降普祥從壽輝

起兵官左丞性殘酷陳氏弒壽輝微普祥兵不應

十甲申朔

十一甲寅朔召江陰樞密判官吳良入見勞之曰吳院判保障一

方吾無東顧憂其績偉矣命宋濂等詩紀之

十二甲申朔復遣博士夏煜陳顯道諭方谷珍始謝罪

癸巳權酒醋

陳友仁攻袁州歐普祥擊擒之漢太師鄒普勝約和釋友仁

辛丑元至正二十一年 宋龍鳳七年 漢大義二年

正朔西僉院鄧愈為中書省參政仍兼僉行樞密院事總制各翼軍馬

左右司員外郎侯原善為金華知府

院判朱亮祖擊漢平章王溥於安仁之石港不利而還

二朔未朔改分樞密院為中書分省

甲申立鹽法局於商二十取一資軍餉

己亥立寶源局鑄大中通寶錢兼行舊錢歲鑄四百三十一

萬四百錢為貫四十貫為兩

丙午權茶官給引茶百斤商輸二百錢茶不及引曰時零付

由帖於寧國溧水置茶局批驗

僉院俞通海為同知樞密院事

三月丑改樞密院曰大都督府兄子朱文正為大都督節制中

外諸軍事中書省參議李善長兼司馬宋思顏兼參軍前檢

校譚起宗為經歷掾史汪河為都事文正公長兄子也

樞密院同知邵榮為中書省平章政事同僉常遇春為參知

政事

元泗州守將薛顯降

戊寅方谷珍遣檢校入謝且金玉飾馬鞍轡上之 吳國公

曰吾方急才賢需粟帛何玩好為卻其獻
四朝已朔改寧國曰宣城府

中書省參議李善長為參知政事

五朝成樞密院僉胡大海為中書分省參知政事鎮金華總制
浙東兵馬都事王愷為左右司郎中掾史史炳為照磨

朱文忠城嚴州

漢將李明道侵信州先據玉山之草萍鎮過我援師元帥夏
德潤戰死

六胡午雄鋒翼分院元帥王思義克鄱陽之利陽鎮趨浮梁

李明道攻信州益急胡大海援之進靈溪舟將胡德濟出兵
夾擊大破之擒明道等千餘人大海還金華

七月己 皇五子禰生

甲子滁人范常為太平知府諭吾股肱郡宜有以安輯之常
既至募民樹藝時^{亂後}闕種貸官廩數千石至秋大稔公私並贍
興學教民稱治行第一

吳國公視事東閣汗更衣衣皆敝參軍宋思顏曰 主公儉
德儂於夏禹願始終始此以示子孫 公曰善賜之幣思顏
更進曰句容虎 主公捕獲之日食一犬此益費也 公欣

然殺虎一熊二餉諸將

壬申漢太尉張定邊陷安慶元帥俞仲中等奔還皆斬之
二月朔通使元將祭罕帖木兒時祭罕帖木兒下山東盜田
豐俞寶等兵勢甚盛故遣問覘之

甲申鄧愈克浮梁

胡大海攻紹興總管張英輕進敗死久不克乃還

庚寅 吳國公率兵師攻漢徐達常遇春等皆從御龍驤巨
艦立大旗曰吊民伐罪納順招降有鳥數萬翼橋以飛又蛇
蟠於柁

辛卯泊牛渚有龜蛇繞柁竟日

戊戌至安慶克其水寨因下安慶長驅至小孤山漢將傅友
德丁普即來降

壬寅次湖口常遇春敗其邏卒追至江州陳友諒督戰我翼
擊大破之友諒不能軍夜奔武昌初劉基曰江州漢巢穴也
徑趨之 公曰善

癸卯入江州追友諒獲玉研華蓋日月旂常使徐達屯漢陽
之沌口扼之改安慶曰寧江府立寧江翼改池州路曰九華
府尋復池州

甲辰克南康改曰西寧府分兵略地有差

乙巳池州東流鄉兵渠帥許山以二萬餘人降

丙午蕪黃廣濟降

戊申漢平章吳宏以饒州降仍守之

九辛亥漢平章王濤以建昌降命守之

壬子左右司員外郎陶安為黃州知府

甲寅星源翼判官余茂克德興

壬戌南豐臨川等降

丁卯 皇從孫守謙生文正子

十戊寅朔增大都督府左右都督同知副使兼事照磨

乙酉都護府斷事馬世能嚴達陳漢知事何士龍為大都督

府斷事

戊子理問谷繼先克興國之石榴山寨

守成僅七人

十戊午先是張氏司徒李伯昇以十萬眾攻長興命帳前都先

鋒陳時元帥王國寶以建康兵至元帥沈友仁華高以宜興

寧國兵至總管彭 萬戶費聚以廣興安吉兵至夜劫我營

俱潰耿炳文嬰城力拒明日遣左副元帥劉成出戰擒元帥

宋某等又追戰死之攻城益急月餘不解命叅政常遇春援

之
已未平章吳宏等下撫州時漢右丞鄧克明佯款我僉院鄧
愈出不意夜襲之克明棄城走度不能免遣員外郎羅天錫
上分省印及所掠撫汀建昌臨江四路南豐寧都富三州臨
川樂安等十八縣印來降送克明江州中道走新淦

甲戌常遇春至長興擊走李伯昇俘斬五千餘人

十二月漢江西行省丞相胡廷瑞平章祝宗遣鄭仁傑請降求
部曲毋他屬公書許之
樞密院同知徐達為中書右丞

親軍左副都指揮使康茂才為親軍副都指揮使按察副使

單安仁為提刑按察使

壬寅元至正二十二年 宋龍鳳八年

漢大義三年
夏天統元年

正朔亥胡廷瑞祝宗得書遣同僉康泰至九江來降

乙卯改撫州曰臨川府建昌曰肇慶府尋復之

吳國公發九江如龍興

辛酉至龍興胡廷瑞祝宗暨左丞張民瞻參政廖永堅樞密

同僉康泰左右司郎中潘友慶等迎謁各慰勞之仍其秩

壬戌入龍興軍令甚肅民皆安堵謁孔子廟過鉄柱觀出宴

滕王閣諸儒賦詩為樂

癸亥命卹葬民放苑鹿於西山

戊辰築臺龍沙上諭父老曰陳氏據此軍旅百需民甚苦之

今俱不相煩其各事本業為吾良民

建昌王溥饒州吳宏各來謁

改龍興路曰洪都府葉琛知府事

鄧克明逃新淦仍劫掠潛窺龍興獲之

辛未寧州土豪陳龍以分寧奉新通城靖安德安武寧民兵

二萬人降

癸酉吉安土軍元帥廬陵孫本立曾萬中粹中來降授本立

江西行省參政銀印萬中都元帥粹中行軍指揮還守吉安

乙亥漢平章彭時中以龍泉降

二月五朔改建德曰嚴州府

癸未金苗華軍元帥蔣英劉震李福殺守臣參政胡大海及

節中王愷總管高子旺英等謀叛約衢處苗帥李祐之等同

舉陽請大海至八詠樓殺之脅同僉軍安慶院判張斌復殺

大海子闕住執王愷正色叱之殺愷及子寅掾史章誠嚴州

朱文忠聞變遣元帥何世明等討之至蘭溪英等奔張士誠

大海養子德濟引兵至朱文忠入金華民乃安
談遷曰鴉不易音豺不改性苗軍之嗜殺固我異類留之
肘腋之下終以自禍後之人鑒於胡武莊則信豚魚而格
犬羊毋輕言之矣

丁亥處州苗軍元帥李祐之賀仁德等殺院判五河耿再成
都事向容孫炎知府王道同及元帥朱文剛等據其城同僉
李文忠聞變遣元帥王祐等屯縉雲圍之初祐之等叛再成
方飯遽上馬擊賊被刺死幽炎空室中餽鱖鴈斗酒不受罵
曰吾乃為鼠輩所困守卒怒拔刀叱炎解衣曰紫綺裘奉賜

當服以死遂遇害年三十餘炎孝俠辨博有古烈士風

陸深曰語云膏粱養體金石代病其文武之謂與孫炎早
以奇氣自負遭際草昧觀其於鎮撫民其餘力矣卒死於
兵亂何哉

袁宏曰國初死忠者如王禕之死滇希烈之真卿也花雲
之守姑孰祿山之杲卿也韓成之誑楚沛公之紀信也張
子明之偽盟晉人之解揚也而胡越國之死金華孫耿之
死括蒼其事與唐張鎬李絳頗相類要之皆能處死者世
以成敗幸不幸論人惡足以知烈丈夫哉

辛卯徙洪都城鄧愈為江西行省參政留守洪都萬思誠為
行省都事胡廷瑞張民瞻廖永堅傅璪潘友慶從 吳國公
還應天

乙未張士誠弟士信以萬餘人圍諸全守將謝再興拒之士
信忿敗益兵來攻

丙申浙東中書分省改行中書省同僉朱文忠為左丞總制
檄處廣信嚴諸全軍馬都事胡深楊憲為左右司郎中照磨
史炳丹徒知院劉肅為都事諭楊憲曰文忠吾甥也年少凡
方岳之事聽爾裁之有失罪亦歸爾

三丁未朔平章即榮討處州叛者

己酉隴蜀王明玉珍稱夏皇帝改天統元年都重慶立妻彭
氏為皇后子昇皇太子倣周制設六卿冢宰戴壽馬司萬勝
司空張文炳司寇向大亨吳仁壽司徒吳友仁鄒興宗伯劉
楨翰林承旨年圖南學士史天章置國子監教公卿子外置
提舉司教授徒府置刺史州曰守縣曰令去釋老二教賦十
一農無征定雅樂立郊社皆劉禎意也
癸丑朱文忠遣胡德濟援諸全聲言徐達即榮大軍且至榜
於義烏之古朴嶺張士信欲遁德濟知之約謝再興合擊大

敗之士信驕侈軍中携妓樂諸將多效之
癸亥祝崇康泰叛於洪都殺知府龐水藥琛都事萬思誠初
宗泰迫於胡廷瑞而降故有貳志廷瑞入都微言之命宗泰
以所部兵往沌口從徐達聽征舟發次女兒港還劫洪都夜
攻入新城門鄧愈倉卒走應還天後贈琛南陽郡侯思誠未
贈豈禮官一時或遺耶

辛未鄧愈告變命左丞徐達等還軍討之

癸酉年章邵榮攻處州

四月卯歐普祥文廣為江西行省參政

處州復平李祐之自殺賀仁德走縉雲捕誅之元帥王祐守

處州

癸未復西寧府曰南康寧江府曰安慶

甲午復洪都徐達攻入之祝宗走新淦死康泰走廣信被獲

以胡廷瑞甥特宥

談遷曰張氏陷安慶俞仲中棄城走以渡江舊人勒自盡

鄧愈於洪都獨不可以仲中律之乎等遁而愈獨全等叛

而泰獨宥興王之朝法制固未定也

五月己朔大都督朱文正統軍元帥趙德勝等同鄧愈鎮洪都

益繕城繕備

六甲戌朔常州永定縣仍曰武進

戊寅元平章察罕帖木兒報書方有事吳漢不之答

帖木兒領其衆
戊子察罕帖木兒圍益都降人田豐王士誠刺殺之子擴廓

張溥曰水德閏位大運告終莫甚於脫之貶察罕之死

也天不欲祐元乎何奪之暴也李牧死而趙亡其死以讒

費禕死而蜀敗其死以疎脫之罹讒其李牧乎察罕之

中賊其費禕乎大功垂成而臨敵已易錫命方隆而刺客

間作國家急難嘗患無人有人矣常患不得其用既用矣

常患不得其死班彪論王命有旨哉

七胡底公閱兵三山門外平章邵榮參政趙繼祖謀伏兵門

內邀之會疾風吹旗觸衣公公易服從間返宋國興告變

下於理欲宥榮常遇春曰彼不軌胡宥也臣諷不與共生遂

皆棄市

談遷曰實錄云邵榮等謀反蓋儼焉臣之矣噫彼渡江助

舊俱魚服之侶臣主未定等夷相視見兵柄獨握未免為

所欲為耳雖桀鰲犯大不韙吾未敢遽臣屬之也

八朔己漢將熊天瑞攻吉安守將孫本立走承新戰死漢知院
饒鼎臣守吉安

九朔卯朔

十朔子池州元帥羅友貴據神山寨命常遇春討之

辛卯設闕市批驗所官

十一朔元擴廓帖木兒復益都田豐等伏誅

十二朔大都督朱文正復吉安

壬辰元帥葛俊脩廣信城朱文忠檄不為止疑其變尋馳諭
得白

元戶部尚書張昶航海至慶元欲款我方谷珍遣檢校燕敬

來告初我遣千戶王華以三千金附方氏通燕敬故有是命

公聞察罕帖木兒沒嘆曰中原無人矣遂不答昶走福建

左丞王溥中道招致之公臨問俛首不一語送客館

談遷曰通元絕元係察罕之存沒故重臣不可無也

元將擴廓帖木兒遣尹煥章致書魏馬自海道歸我前使

癸卯元至正二十三年 宋龍鳳九年 漢大義四年 夏天統二年

正朔寅朔樞密院同僉湯和為中書左丞親軍副都指揮使康

茂才為金吾侍衛親軍都護徐同馬為總制守金華

唐戎常遇春克神山寨斬羅友貴

二月初朔將士屯田之令康茂才積穀優於諸將乃下令曰茂才得穀萬有五千餘石以餉軍尚餘七十石地力均也八有多寡則人力勤怠異耳今後宜及時開墾以盡地利

癸酉張氏將呂珍攻劉福通於安豐陷之殺福通初福通兵勢日盛廬州左君弼助珍攻之福通告急吳國公欲自將

救之劉基曰奈何不急漢公不聽城先陷韓林兒走滁州

朱國禎曰元以夷狄入主中國兵威脅法度不脩蓋其斬殺成性射獵為生原無遠略謂宋亡便無他患疑忌中

國人防之甚密以其屬為臺省郡邑正官西僧用事貪婪

漁獵殆無紀極豪家勢族與此輩互交結恣併吞奸民附

麗又其時賦稅甚輕徭役極省侈汰狂惑釀成擁腫之勢

於是群盜疊起幾徧天下而徐壽輝劉福通為之魁福通

雖以韓氏父子為名實用事倡始黨類雲集毛貴諸人乘

虛四集出自河而北以及塞外遼陽無不蹂躪即太祖

亦稱其年號藉其聲勢蓋比之李密竇建德則不足視勝

廣實有餘而壽輝以虛名推奉為陳友諒所殺以併於

明帝王之興必生群雄為之先驅三代以下莫不皆然

惟此際濁亂荼毒慘不忍言。皇祖自丙申而前，神龍襍於鱗甲，稍見頭角，僅一躍淵渡江。後而陳東、張特、強、睥、睨，用力甚難，龍鳳年號，用之凡十餘年，乃克剪滅。回視群雄，灰消霧冷，皆不足齒。然其氣燄亦可畏矣。蓋千古剝復之大交也。

戊寅徙浙江行省於嚴州，分金華軍戍之，以備張氏。

丁酉命王時賚三千金，令方谷珍市馬。

都昌盜江、壽等陷饒州，守將于光、吳宏、楊憲等走免。殺埋問穆燮。

三朝丑朔，吳國公率右丞徐達、參政常遇春等援安豐。呂珍據城更連營列柵，元帥汪同攻其中壘。拔之會，左右軍敗亦走。阻於塹，力戰過春衝擊大破之。又敗孺兵各遁去。公還令達等圍廬州。元將竹昌忻都乘間入安豐。公迎韓林兒，同還應天。中書省設御座，劉基怒罵不拜，曰：「何為奉牧豎者？因陳天命所在。」公感悟，然用其紀元如初。談遷曰：安豐之難，聖祖違諫，遠救雖切，齒於吳人亦冠履之義存焉。語云：無德不報。韓林兒事至淺薄，終不忍坐視其危亡也。邢人告難於齊，桓公將救之。鮑叔曰：邢不

亡齊不重且夫拯危之功不如存亡之德君不如晚救之
待刑亡而後存之意聖祖不至此或事有適合也

閏三月處州翼總制胡深言閩市二十稅一從之一時稱便

四胡成陳友諒念前敗悉甲六十萬自武昌圍洪都樓船高數
丈皆丹漆上下三級走馬 艦頭 圍數百重大都督

朱文正乘城拒守鄧愈趙德勝薛顯等分門禦之晝夜不解

甲

乙丑諸全守將樞密院判官謝再興叛殺知州蔡鳳、妻王
氏身蔽鳳并殺之執參軍李夢庚元帥陳元剛等奔紹興降

於張氏總管胡汝明走免事聞命同僉胡德濟為江浙行省
參知政事德濟使萬戶王克瑀偵敵死之初再興專通販杭
州泄事誅其使者召入都改夢庚總制而再興長女適兄子
文正幼女適徐達方被眷曰還鎮意怨望遂叛

丙寅漢人攻洪都甚力傅雲梯蒙竹盾墮撫州門三十餘丈
鄧愈等殊死鬪且戰且城我守益堅總管李繼先元帥牛海
龍趙國旺許圭朱潛萬戶程國勝等皆戰死

五月己朔漢知院蔣必勝饒鼎臣等復陷吉安殺曾萬中粹中
又破臨江執參政劉齊吉安知府朱叔華臨江同知趙天麟

狗洪都城下

癸酉置禮賢館名儒劉基宋濂蘓伯衡王禕王天錫等講藝

不報

漢人皆無為州知州董曾不屈縛之沉於江

進昭擒副樞趙祥乃退丙子漢人攻洪都之新城門指揮薛顯突出殺李新平撞劉百戶徐明被執死之

徐達常遇春攻廬州三月不下城三面阻水左肩弼嘗設釣

橋城上達知其劫營夜備之果至則萬弩俱發失利去追擊

敗之

六月未忠勤樓火以砲藥故

辛亥漢人攻洪都水閔欲破柵以入朱文正使長槊刺之敵

奪槊更進我鉄鉤鉄戟刺之灼手不可奪元帥臨濠趙德勝

巡城東門中伏弩死

壬戌方谷珍遣經歷陳惟敬貢馬

洪都圍急中外音問絕朱文正遣千戶張子明間道夜行達

應天公語子明但大都督堅守一月吾自當取之毋慮也

子明歸漢人獲之湖口陳友諒啗之曰若為漢呼降且貴若

子明諾至城下大呼曰賊使我呼諸公降我佯許之幾得見

諸公公今許我大軍至矣友諒怒以戟刺子明死

甲子令徐達常遇春釋廬州還授洪都
七朔酉吳國公自將禦漢舟師二十萬禡轟龍江右丞徐達
叅知政事常遇春帳前親軍指揮使馮國勝同知樞密院事
廖永忠俞通海等皆從過新河有異魚二夾舟沂流直抵小
孤蓋龍云

壬午馮國勝舟覆公嘆之遣還應天

癸未次湖口遣指揮戴德屯涇江口又別屯南湖嘴遇漢人
歸路又檄信州兵守武陽渡防其逸

丙戌陳友諒圍洪都八十五日至是解圍東出鄱陽湖逆我

師吳國公自松門入鄱陽諭諸將有進無退其各勉之

丁亥遇敵康郎山漢巨舟當我公曰彼舟不利進退可破

也乃分舟師十一隊臨敵先火器次弓弩近則短兵

戊子徐達當先擊其前鋒獲一巨艘漢兵死者千_五百餘人常

遇春等連艦大戰俞通漢飛炬火其舟二十火及延達舟達

撲火更戰張定邊直前犯白海_紅舟白海膠於沙漠兵匝焉

程國勝劍叱之與_陳兆先大奮擊我指揮韓成元帥宋廣陳兆

先俱戰死常遇春俞通海疾擢來水浮浮遇春射中定邊走

之通海廖永忠飛翼追定邊定邊舟中矢如蜩七萃甚衆薄

幕府公收兵申軍令命徐達還守應天

談遠曰白海事急時帳前左副指揮韓成服公衣冠對
衆投江中敵信之稍緩裨史所載不一友人常熟許重熙
曰此事妄也兩軍方鬪無主將自刎疑衆之理時上稱
宋平章吳國公非龍袍冠冕實錄康節山祀丁普即等三
十六人非首成也朱善志程國勝墓言常遇春被敵困公
率副將陳兆先韓成救之遇春并得脫而公等三人戰沒
朱善當時人其言可信噫世俱以紀信擬成孰知其子虛
烏有者哉

朱國楨曰韓成之死國史所紀在上并膠淺之先一日

第六徐達等敗其前軍俞通海等復乘風縱火焚寇舟二
十餘艘殺溺者衆我指揮韓成等亦戰死並無在御舟皇
急中服龍袍投水事康節之祀丁普即居首次張志雄次
韓成止三十五人並無程國勝蓋國勝實死於洪都被圍
之初列洪都祠中未當從戰鄱陽也今本皆云祀成居首
增入程國勝為三十六人去之二百五十年秩祀之典漸
湮不可考通誌中稱三十五人是矣而孫原貞為記又曰
韓成等三十六人蓋不知何所自知而今皆仍之大約起

於朱學士墓志以程國勝與韓成駕舸之說也然則學士
之文要難徵信而同時同朝之人耳目必真又未可輕議
也

已丑吳國公鳴角而進陳友諒御赤龍舸悉其巨艘連鑼
促戰曰赤厭白漢旌旗樓櫓率如也我舟小仰攻多卻公
手旗麾之不前斬右隊長十人不能止丁普即余昶陳弼徐
公輔皆戰死普即身被十餘創首脫猶手兵若戰院判張志
雄為敵叢擊遽自刎郭子興曰舟實不敵火攻可也日晡東
北風甚急常遇春藥葦七艘火之焰漲天湖水盡楮陳氏弟
友仁友貴及平章陳普略等皆焚死我乘之斬二千餘級
庶寅諭諸將併力時公舟櫓白漢人覺而叢之是夜各櫓
皆白示莫測

辛卯陳友諒復大戰自辰至巳所殺傷我過當敵聲如雷劉
基侍公忽大呼公更舟公亟入他舟而前舟中敵矣漢
舟火上下不相聞卒死欲盡舸者尚呼櫓廖永忠俞通海汪
興祖趙庸以六舸深入仰殺漢兵初漢艘蔽之若沒俄瞥波
出諸將望之加勇呼聲動天地湖水盡沸漢人大敗棄甲仗
蔽江日暮陳友諒欲退保鞋山不得出夜我泊左蠡漢泊瀕

機相持三日漢左右金吾將軍某某各率所部降蓋右將軍
勸友諒焚舟登陸左將軍謂當力戰友諒既失利嘆右將軍
言是左將軍懼而降右將軍亦降 吳國公貽友諒書曰今
取天下之勢同討夷狄安中國是為上策結怨中國而後夷
狄非策也曩公犯池州吾不為嫌生還俘 欲與公約從各
安一方以俟天命公失此計乃先我為仇我是以破江州蹂
躪黃漢沔舉龍興十一郡奄為我有今又不悔復啟兵端困
於洪都再敗康山殺弟姪殘兵將捐數萬之命功無毫寸此
逆天悖人致之也公乘尾大不掉之舟親決一戰何徐、隨

後若聽吾指揮者無乃非丈夫乎公早計決之友諒怒不報
所獲我戰士皆殺之 公察漢俘藥其傷遣之俞通海曰湖
水淺易黏舟扼之江據上流必捷劉基曰移湖口以金木相
犯相克之計公曰善命常遇春廖永忠截湖口邀其歸路置
火舟火筏中流又立陸柵扼漢十五日不出復貽書曰昨遣
使不回公度量何淺、哉大丈夫謀天下何有深仇自辛卯
來蒙傑並起中原興問罪之師挾天子令諸侯於是濫虐盡
掃公之湘陰劉 亦懼而往江淮英雄惟公與我耳何乃自
吞併為公地吾已得之縱力爭不可復也即公倖脫亦宜脩

德卻帝名而待真主否則喪滅悔之晚矣友諒又不報漢食
盡遣五百艘掠糧都昌大都督朱文正遣舍人陳方亮焚其
舟益困我分兵克蘄州興國

朱國禎曰友諒兵勢最强跳盪江湖間鼓行而下目中已
無建康矣太祖方定婺州遲回審固犯境不得不戰既
戰不得復退鄱湖之役虧損兵將至多至三十五日而後
決彼以暴我以仁彼以橫我以禮友諒自處絕地兩金吾
叛去強弱衆寡其勢頓反決死冒圍終不為鴻溝之講一
時附麗者如饒鼎臣熊天瑞輩甘心為用必不肯北面真

主天瑞降而復叛人與地風氣使然其亦所謂往而不返
者耶一代創始必有萌除妖纏則星斗為昏妖滅則日月
始朗特有大小久近之不同耳

談遷曰善兵不陣善戰不勝蓋止戈為武靜極斯動故杜
鼎拔山未足云勇友諒出入戈鋌効力徐氏固已浴血千
里暴骨百城矣迨黃州擅兵同宋義帳中之斬采石篡主
效義帝江上之除霸楚偽漢跡不相懸假以保境息民推
誠流惠黎江漢以為池標衡岳以作鎮國險甲強鬻熊良
足師也顧嗜殺不休構怨江東聯烽纍燧成不卧鼓民生

其間非委頭顱於草野即任皮骨於微求嗷之聲徹於
四境而友諒終不悛也巨艦如山高牙若林百萬之衆空
國而來汗則雨聲則雷鏖於彭蠡天地簸盪舉關將健卒
半腐於江魚之腹噫樂戰如此俾得保世滋大則蚩尤不
至於鹵池重瞳何因以駢逝也蓋天之業曾未四載斯矢
逾於中肩晉射惜於傷目彼固一世之雄也豈不痛哉雖
然友諒亦無負矣為友諒之後人者又負友諒為河東世
仇朱梁甘於自盡景升豚犬劉琮遂以偷生友諒父子似
為友諒色媿也

黃金曰予嘗聞之長者曰昔王師之戡友諒順天應人無
不一當百鄆陽之戰過於赤壁猗鯨鯢而殄豺虎如摧枯
拉朽散亡之卒投戈請命此固神謨廟略之有定然亦豫
章之守有以老其師挫其銳遂致摧敗零落而不可支吾
也

一胡戎陳友諒勢威欲西還率百餘艘突湖口常遇春等還以
火舟火筏追擊之聯比沿流自辰及酉力戰不休至涇江口
伏師復出擊之友諒目中流矢貫顛卒時鉄冠道人臨川張
和侍入公曰友諒死矣不之信亡何有降卒奔告其狀將士

益奮大破之擒其太子善見平章姚天祥等明日漢平章陳
榮叅政魯樞密使李才等各以所部降得五萬餘人漢太
尉張定邊夜載友諒屍同其子理走武昌追之不及友諒年
四十四驚悍為諸雄冠稱帝僅四年其初起也父普才戒之
汝一捕魚見耳而乃圖大事友諒曰相塚者言我家當富貴
今其時矣及貴迎父父曰見不守故業吾懼及也先是吳
國公謀用兵漢吳孰先或以張士誠近富而弱宜先剽基曰
陳氏據上流竊名號乃心無日忘我此不宜久蘊崇之取陳
氏則士誠囊中物矣公善之

陸深曰友諒奮臂遙湖提戈荆楚遂能屢破堅城卒僭尊
位可謂勇矣然既戕主帥復弑天完凶戾罕儔殘虐無厭
人謂項藉矯殺冠軍陰弑義帝大抵同矣及天命有歸真
人首出諒不能委身江漢翰款闕廷而乃犯我龍江關我
洪都盛兵東下志氣驕悍此何異滎陽之圍也卒之授首
鄱陽鯨鯢盡殪何暇烏江之刎乎敵爵於林敵魚於淵蓋
聖王之鷓鴣云爾

高岱曰友諒之勇悍雄略雖或未及項羽而標迅飄忽大
困而氣不餒屢躓而勢復振觀其龍江敗歸還贛母慶九

江之失疾奔武昌及徐達召還不旋踵而有江州之入是以敗衄之餘旬日之間而能陷城卻敵蓋深通兵法不阻不撓故能開拓封疆奄有荆楚亦一世之雄也惜昧於強弱之勢眩於先後之幾金陵可與合從而不可圖者乃先自相仇敵攻戰至無虛日至河南形勝之地韓林見劉福通輩皆非勘定之才顧不能進取襄鄆以窺中原其策已繆矣及其東下也金陵無警可乘則擁衆遠涉以取龍江之敗及我出授安豐金陵可乘矣乃老師南昌而不能擣根本之虛雖天命有在未可力爭而用兵之道當如是哉

然聖祖所以得肆力於友諒者則以士誠之乏遠圖耳觀其鄱陽之戰亟命徐達歸守建康友諒既殂諸將勸之西戡武昌竟不從而班師者拳、以東吳之乘虛為慮耳但英雄駕馭之術不欲以機事告人而區、戎簡輩豈足以測聖心哉

談遷曰陳氏善用兵方其事文俊佐壽輝支璣所及靡堅不瑕迨專國柄稱帝制跨有江漢土廣鋒銛東南無二矜其強大日尋於長矛大鏃之間兵猶火也不戢將自焚龍江洪都之師在漢為曲然愈蹶愈奮至傾國六十萬嘗試

江流牧野昆陽赤壁淝水古帝王豪傑能用其衆者未之
有聞非日聖祖當之有望風而靡耳噫勁如友諒竟歸興
尸之凶力不勝德從古然矣

改洪都府曰南昌

甲子遣兵追陳理於武昌不及理即皇帝位改德壽元年

乙丑同僉行樞密院守江淮府定遠繆大亨率大享倡衆二
萬人屯橫澗山來歸屢立功守江淮有善政

九月朔吳國公發湖口東還

壬申至應天脊將士有差

壬午命李善長鄧愈留守應天復率常遇春康茂才廖永忠
胡廷瑞等西搗武昌

諸全叛將謝再興以張氏兵犯東陽左丞朱文忠自嚴州救
之夏子實即中胡深為鋒戰於義烏文忠自後橫擊敗
之因距諸全十五里曰五指巖城之令胡德濟分守

是月張士誠稱吳王士誠脅元江浙行省丞相達識帖睦
請王爵再三皆不報元戶部侍郎博羅帖木兒徵漕恚弗與
竟自立尊母曹氏為太妃內史陳基謂且當需時不聽崑山
郭翼上書曰明公伏馬箠下婁地及越數十城望風請服者

人皆苦元政守吏貪殘自恣不恤其下非能極慮安危者也
故民離散而莫與之守今誠能反其政休勞之率以乘時進
取則霸業可成若遽自宴安湛於逸樂不惟精銳坐銷且四
方豪傑並起相攻壞進地益雖欲閉境自守勢將日蹙且吾
又所必爭也其能保乎哉士誠志翼逸去元御史大夫普化
帖木兒封印庫中自鴆死丞相達識帖睦爾亦死弟士信為
丞相時吳浙繁盛殷富士誠驕佚無斷政在文吏而士誠尚
持重寡言為好士築景賢樓弘文館士無賢不肖輿馬供帳
甚都人多奔走馬至士信柄國疎簡舊將用參軍黃敬夫蔡

彥文葉德新皆奴才由是上下乖疑莫肯用命

十月寅 吳國公兵至武昌柵其門以舟絕江分兵徇漢陽德

安湖北諸郡皆降

癸卯贈張德勝光祿大夫江淮行中書省平章政事追封蔡
國公趙德勝榮祿大夫江西行中書省平章政事追封梁國
公桑世傑安遠大將軍輕車都尉行樞密院判官追封永義

公

十一月

十丙申朔吳國公發武昌東還留常遇春堅守營柵以困之
若衝突勿與戰

甲寅至應天

戊午閱武雞籠山還坐西苑問指揮華雲龍等能知其數否
對曰不知公曰陣勢方員縱橫倏忽莫測善兵者少為衆
弱為強代謀制勝勇詘其力智詘其謀斯為神矣大抵以正
應以奇變奇正合宜應變弗失百勝之道也

甲辰元至正二十四年 宋龍鳳十年 夏天統三年

正丙寅朔吳國公進稱吳王建百司官屬李善長為中書右
相國徐達為中書左相國常遇春俞通海為平章政事汪廣
洋為右司郎中張昶為左司都事

丁卯減收官店錢

戊辰吳王退朝語徐達等曰卿等共推戴予今當協心成治建國之初先正紀綱紀綱先禮元氏之亂主荒臣專今儀鑒之

唐午王御白虎殿語參議孔克仁曰自元運既隳豪傑互仇吾欲一之以兩淮江南之民各近城而耕練則兵耕則農兵農兼資可進可守仍積糧兩淮俟時而動克仁稱服

二月未朔吳王復西徃武昌視師

己亥至武昌益攻城時漢丞相張必先守岳州太尉張定邊

潛使乞援必先引兵去城二十里軍洪山我常遇春率兵五

千擊之必先大敗擒之縛示城下曰張我得矣漢氣大索

城南高冠山俯城中可瞰漢兵屯焉吳王曰誰能奪此傳

友德前趨之鏃出腦若脇友德棄腦鏃抽脇一鼓奪之漢人

大懼居數日吳王使漢舊臣吉水羅復仁招諭陳理復仁

曰大王不忍糜漢而使臣招必陳氏之孤得保首領而臣不

食言臣雖死不憾王曰吾力非不能得漢頓兵而待念民

耳羅復仁哭城下陳理驚召入相持哭告之故乃約降

談遷曰陳理暨子耳戰將羊頤其不支耳也徃聞友諒虐

民怨圍武昌六閱月朱下斯何以稱焉又稗史稱漢同僉
陳英傑望吳王之壁馳檄入帳下郭英從旁來躍馬奮
臂僉同應槍倒此即敬德之護秦王也意郭氏後人勛飾
稱故不足信聖祖素嚴重且有牙門如無人馬者又實
錄或稱鉄冠道人周顛仙事雖確恐開狐鳴魚書之誕為
盡汰之

漢陳友富自潭州降友諒兄

故漢將李明道被獲誅於武昌所畜犬跑沙瘞其骸命整明
道

甲寅 吳王諭諸將曰諸公久從吾勞苦矣勞者逸根若為
甘機若農人耕田以庸有秋毋先之子暇豫也

乙卯立湖廣行中書省樞密院判楊璟為叅政

丙辰 吳王發武昌命常遇春遣送陳理官屬

三月丑朔 吳王至應天

丙寅封陳理歸德侯普才承恩侯友富歸仁伯友直懷恩伯
贈友仁南康王初陳理降入告母楊氏氏嘆曰吾不能為孟
景母也立自經

丁卯命金大旺守撫州

置起居注給事中

皇太子植生

諭廷臣曰慄悍驕暴非人之性也必禮法以一之制禮立法非難遵禮守法為難最今所急也

戊辰中書左丞湯和為平章政事

定大都督府行中書省都鎮撫司統軍元帥府各衛親軍指揮使司官制

己巳儒士句容戎簡入見語及陳氏曰往敗陳氏入九江宜乘勝擣武昌而乃引還何也吳王曰汝豈不聞覆巢之下

有完卵乎果乘勝亟追彼必死鬪殺傷多矣故遣偏師綴其後彼創殘偷喘我大軍臨之全城降服尤得策耳

庚午悉罷諸翼統軍元帥府置武德豹韜飛熊威武廣武興武英武鷹揚駉騎神武雄武鳳翔天策振武宣武羽林各衛親軍指揮使司

勅中書省臣許山林士伍上書劾用民間俊秀年二十五以上有學識才幹者辟付中書

江西行省進漢金縷床王曰此何異孟昶七寶溺器亟毀之侍臣曰未富而驕未貴而侈所以亡也王曰此覆車也

富亦豈可驕貴亦豈可侈哉
幸未御西樓有數率叙功求陞賞
爾不見徐相國耶其同從者猶在行伍予亦豈忘之乎但其
才智止此耳勉立功毋奢望為
丁丑諭中書省臣曰先王不施賞而民親於善不施罰而民
不為疾何也仁義本之也商變夏周變商仁義未嘗改卿等
勉之
郭子興為鷹揚衛指揮使金朝興為龍驤衛指揮同知傅友
德為雄武衛指揮使

四甲午朔

王退朝語孔克仁等曰秦主虐臣佞天下叛之漢
祖起布衣寬天善駕御遂帝天下今元政弛極豪傑蜂起皆
不脩法度以明軍政因感歎久之

乙未置醫學提舉司

中書省臣上宗廟祭及薦新禮
王覽之自白虎殿退至戟
門忽悲涕語宋濂孔克仁曰昔歲凶二親俱在力不能養今
化家為國追思二親痛何可言

平章俞通海參政張興祖自劉家港敗張氏兵於通州
丙申立康節山廟祀江南行樞密院同知丁普劄帳前總制

都督指揮使司左副都指揮韓成水軍元帥宋貴太平興國
翼元帥府統軍元帥陳兆先行樞密院判官兼水軍元帥張
志雄右副元帥王勝李信左副元帥余昶昌文貴元帥府同
知元帥李高右副元帥徐公輔劉義陳弼帳前上萬戶程
國勝中翼元帥府副使王咬住上千戶王鳳顯姜潤石明王
德鎮撫常德勝遠德山汪清朱鼎裴幹千戶王喜仙陳冲汪
澤丁字副千戶常惟德袁華史德勝王理王仁雲騎後都尉
鄭興羅世榮鎮撫曹信朱升曰洪武十一年加封之時誥命
重辟詔章中書省陞六部省中書文書一御會中書省臣相繼獲
未及頒於廟中有司又不能上請所以兩南封爵俱仍甲辰

之舊程國勝即汪廣洋妹婿

甲辰改各門總管府曰千戶所設正副千戶各一

乙巳立南昌忠臣祠祀故平章趙德勝樞密院判官李繼先
左副指揮使劉齊統軍元帥許圭右副元帥趙國昭同知元
帥朱潛元帥副使牛海龍千戶張子明張德山百戶徐明總
管夏茂成江西行省都事萬思誠洪都知府葉琛臨江府同
知趙天麟
吳王閻功臣家僮多橫召徐達常遇春等曰卿等起艱難累
功舍人子逾越禮法不早懲之他日貽孽寧不為玷卿輩宜

速去之

丙午設湖廣鉄冶

丁未左相國徐達兵向廬州左君弼留其將張煥啟從道等

守之自走安豐達圍廬州

己酉商稅三十取一京店曰宣課司外官店曰通課司

壬戌江西行省設貨泉局鑄錢

立部伍法諸將所部兵五千人為指揮千人為千戶百人為

等名

吳王與詹同等論孫權題諸葛子瑜於驢面諫其子恪曰君

臣主敬敬者禮之準也孫權不知此狎其臣而褻其父恪雖

機辨不能正言君臣父子胥失之言動可不謹哉

五刑寅諭諸將曰汝等所統兵雖衆寡不同若不識其能否臨

敵何濟夫能知人則効力効謀鮮不盡心矣

丙子吳王朝退御白虎殿閱漢書問宋濂孔克仁漢治何

不三代也克仁曰王霸之道雜王曰咎將誰始曰在高祖

王曰高祖創業未遑禮樂孝文時當制禮作樂復三代之

舊乃遂巡未遑使漢家終於如是三代有其時而能為之漢

文有其時而不為耳周世宗則無其時而為之者也

六戊辰湖廣安定等處宣撫使何思明等來降仍設宣撫司又

置懷德軍民宣撫司統軍元帥二抽攔不夜黃石三洞長官

司韓坪洞元帥府一梅梓麻寮二洞長官司

諭諸臣盡言言猶水也欲其長流水塞則衆流障遏言塞則

上下壅蔽詩曰先民有言詢於芻蕘諸公有所建明當備陳

之

丁巳袁州降將歐普祥卒

黃岡人徐壽輝左丞大司徒袁國

戊午諭朝臣直言若隱避不言相為容默非事君之道已亦

何利

七月丑徐達常遇春克廬州張煥迎降

戊寅命平章常遇春會鄧愈及金大旺兵討江西上流未附

郡

己卯左君弼劾將許榮以舒城降

置江淮行省於廬州平章俞通海攝省事通海能招輯流民

多復業

八月辰朔常遇春鄧愈平新淦之沙坑麻嶺諸寨執叛將鄧克

明志明誅之

乙未命左相國徐達按行荆湘以山寨遺孽俾招輯之
戊戌常遇春鄧愈次吉安饒鼎臣棄城走遇春因趨贛州
庚子右副元帥王志為飛熊衛指揮使

常遇春攻贛州命平章彭時中協擊中書右司郎中汪廣洋
參謀遇春軍司諭廣洋曰熊天瑞孤城易拔恐破日多殺傷
可諭遇春等保全生民為心若得空城何益遇春乃徐困之

九朝百朔置滁州千戶所合肥六安二衛

戊寅御便殿問侍臣石勒苻堅孰優詹同曰石勒為優王
曰勒聰察有餘果斷不足馴致石季龍之禍堅聰敏不足寬

厚有餘故養成慕容氏父子之亂俱不足道也

辛巳繪塑功臣像於十壺蔣子文廟

甲申改長安州曰長興州耿炳文為長興衛指揮使立劉成
廟初禦張氏戰死贈成懷遠大將軍

黃金曰 聖祖取天下躡蹠群雄而顛倒之首偽漢次偽
吳境壤相連使其謀通兵結亦大費征討 聖祖妙識其
機欲剪漢之羽翼故遣耿炳文守長興吳良守江陰以蔽
吳不孤所託謀足以制敵勇足以驚敵孤城血戰於猓貅
萬竄之疆者數年吳人一跡不敢南向 聖祖無東顧之

憂然後得以麤偽漢而殲之是蔽吳者正所以滅漢也漢
既滅於焉併力向吳釜魚籠鳥何所假息故亦不旋踵而
亡是滅漢者又所以滅吳也識者謂吳不亡於諸將會同
之時而亡於二臣善守之日亦信然哉

故漢平章姜瑀以江陵降時徐達次沙市瑀勢蹙詣達曰瑀
當死百姓無罪達遂禁兵侵軼列郡聞之望風歸附尋改江
陵曰荊州

乙酉下夷陵尋改峽州

方明善攻平陽參軍胡深擊敗之下瑞安趨溫州明善懼謀

輸二萬金命班師

徐達次潭州湘鄉土酋易華歸州守將楊興來降

十月未遥授廖永安光祿大夫柱國江淮等處行中書省平章

政事封楚國公時永安被張氏囚蘓州甚念之先是欲還吳

兵三千人易永安士誠不可曰必易我士德遂止

袁泰曰初高皇帝駐和陽欲渡江而無舟賴永安諸將

以舟師迎附得渡江定基金陵實王業所由始厥功不細

矣永安雖幽囚而死不究厥成其節義足稱云

乙卯行省都鎮撫改隸大都督府秩從四品專調各門守禦

千戶所

已未張士信侵長興守將耿炳文費聚擊破之擒元帥宋興
祖士信怒益兵圍城

贛州熊天瑞被圍子元震間出現我兵猝值常遇春數騎竟
過之已知遇春復來襲遣壯士擊之元震奮鉄鎚拒我且鬪
且卻遇春壯而舍之

十
庚申朔故元帥俞廷玉贈樞密院同知追封河間郡公

辛酉置湖廣提刑按察司章溢為僉事尋改浙東按察司
浙東行省左丞朱文忠為右丞按察使單安仁為左司郎中

論中書省臣立國之初致賢為急中書綱領百司任人須小
大各適其宜莫耶之利能斷犀象以斷石則必缺騏驎之駛
能致千里以服重則蹶必心處之得其常用之蓋其才可也

壬申故鄧克明劄卒羅伍叛寇撫州守將金大旺討平之

庚辰置慈利軍民宣撫司土官覃屋夏克武為宣撫使

辛巳命平章湯和自常州援長興
戊子皇七子溥生定妃達氏出

湯和耿炳文合擊張士信大敗之獲人馬五百餘匹
士信出將多標蒲躡踰擁婦女酣宴其命將、或卧不起邀

官爵美田宅既至軍亦日載妓飲博即失地喪師士誠置不問或復用之

十唐寅朔徐達克辰州漢左丞周文貴棄城走

徐達遣指揮傅友德克衡州元左丞南寧鄧祖勝棄城走
辛卯裁諸處通課司

乙巳吳王昭元擴廓帖木兒書通好

乙卯置拱衛司專領校尉屬大都督府秩七品

丙辰新淦鄧仲謙作亂殺知州王貞克明從子

乙巳元至正二十五年 宋龍鳳十一年 夏天統四年

正己巳常遇春鄧愈克贛州熊天瑞食盡始降 吳王以遇春止殺特書勞之比於曹彬之下江南

談遷曰陳氏既覆熊天瑞守此一隅抗鋒五月有友諒之餘烈焉孰謂陳氏無田橫哉

徐達遣千戶胡海洋克寶慶元將唐隆道靖州軍民安撫

司及諸長官司皆降

壬申 吳王問起居注詹同孫武叔寵姬事對曰見史記

王曰此事亦司馬遷好奇其十三篇恐非武自作或有所授
甲戌黃州知府陶安改饒州

常遇春進師南安招諭嶺南諸郡韶州降

新淦鄧仲謙平

叅政鄧愈平吉安諸山砦進江西行省右丞

甲申大都督朱文正有罪免安置桐城蓋在鎮淫暴不法奪
人婦女榻飾龍鳳嘗被詰謀降張氏按察使李飲冰奏之

吳王即日往南昌泣謂曰汝何為若是載八舟既放廢仍撫
其子鉄柱

乙酉 吳王闕將士分隊習戰將經理淮甸也

二月 己丑朔元福建行省平章陳友定侵處州叅軍胡深往禦之
下浦城

左相國徐達言湖湘平命班師

辛丑遣千戶夏以松守臨江張信守吉安單安仁守瑞州宋
炳守饒州叅軍唐允亨總制辰沅靖寶慶受湖廣行省節制
丙午張士誠大舉入犯兵二十萬司徒李伯昇挾我叛將謝

再興踰浦江圍新城旌旗相綴州縣官屬皆預置精兵數萬
分屯城北過我援之守將僉書行樞密院事胡德濟拒之繆
美出北門敗其先鋒斗巖下敵攻西門美趨之再戰再捷德
濟曰彼衆毋輕乞師於行省右丞相朱文忠遣指揮張斌元
帥張俊出浦江為援士誠又自以兵從桐廬遡釣臺烏石將
犯嚴州文忠扼以舟師未至千戶謝祐被執諸將恐文忠分
署守禦自如率指揮朱亮祖以下行次浦江令銜枚走新城
明日東吳人空壁來文忠橫槊引數騎馳之自格殺數十人
千戶王英從之貫陣而入敵駭亂德濟聞之鼓噪而出敵大
潰指揮張斌朱亮祖擊其餘衆俘將士六百餘人卒萬人馬
三千六百餘匹斬數萬級鎧仗芻粟如山伯昇遁初德濟告
文忠敵銳盍少避之以俟大軍文忠曰俟大軍我瑕矣將在
謀不在衆遂誓師鼓之曰彼衆而驚我寡而整且彼輜重山
積是天以富若也勉之方戰捷聞徵文忠德濟宴賜名馬餘
錫賚有差

康茂才為神武衛指揮使

三月己常遇春班師入朝

癸未起居注宋濂歸省至家表謝復工 世子壽勉學 王

善之馳賜絲帛

四月丑朔參軍胡深克松溪獲陳友定驍將張子玉

庚寅命平章常遇春曰安陸襄陽跨連巴蜀控扼南北古必
爭地汝其往取夫堅城之下緩則頓師急則驅死相機招輯
是在賢將軍

復命江西行省右丞鄧愈為湖廣行省平章政事勅曰今遣
遇春取安陸襄陽汝兵繼之所得州郡撫其降附近聞擴廓
帖木兒集兵汝寧汝能受軍卹民心自歸爾其念之

癸巳遣趙好賜方谷珍紗綺鞍轡

庚子置衛州衛

五期申廣信衛指揮王文英兵趨鉛山之佛母嶺敗陳友定兵
走之

辛酉參軍胡深請自廣信撫州建昌分道攻陳友定遂命廣
信衛指揮朱亮祖出鉛山建昌左丞王濤出杉關會胡深
乙亥常遇春克安陸執守將僉院任亮

己卯克襄陽元僉院張德山羅明以穀城降

癸未浙東元帥何世明連敗吳人於新溪柴溪
甲申神武衛指揮使康茂才為大都督副使

六月丑置思南宣慰使司時田仁智遣都事楊琛來降仁智仍
宣慰使琛思州等處宣撫使

丁酉元帥王國寶等克安福州饒鼎臣走茶陵

壬子胡深克樂清擒方谷珍鎮撫周清萬戶張漢臣總管朱
善等俱戍常州

朱亮祖等克崇安進攻建寧元知院阮德柔屯錦江出深營
後深拔其二柵德柔悉衆圍我深突出馬蹶被執陳友定初
甚禮之迫於元使乃殺深深龍泉人侗儻有文武才元季削
髮自晦栖松源山中年五十二 吳王痛之遣祭於冢

乙卯令民栽桑麻木棉

儒士滕毅楊訓文為起居注諭曰諸臣有言予雖信宿切磋
究之况若職左右若毋苟容若毋改守譬之馳驅戒險則不
顛肆夷則驟蹶予常自警故以勗若復命教訓文集古暴君
之行曰政龜鑑也可以知喪亂之繇

七月己朔命元降將張德山歸襄陽招採未附山寨賜鄧愈書
曰汝戍襄陽法度已定宜謹守之未附者業遣德山招採舊
籍民兵悉如其故軍人將校令其屯種戰且耕爾所戍地鄰
擴廓帖木兒若爾愛加王民法行於軍彼之脇從脫虎就乳

惟我賴汝實如長城成事甚艱備事甚易於戲念哉
戊午休渡江舊兵於外郡物故者妻子月給衣廩

辛酉王天錫為湖廣行省都事

甲子復貽擴廓帖木兒書

乙丑元思州宣撫使兼湖廣行省左丞田二厚來降改仁厚

思州宣慰使

丁卯置尚食尚醴二局設大使副使

癸酉總制辰沅等處軍唐允亨遣千戶何德平汝陵盜

庚辰置靖州軍民安撫司同知梁武為副使

壬午劉基為太史監令

八月卯募兵於霍丘安豐

御東閣語詹同以趙普說宋太祖收諸將兵權嘆曰使諸將
不早解兵柄宋之天下必不五代若也普雖忘刻其功多矣

壬辰周文貴復攻辰州千戶何德擊走之

辛亥指揮李琛取竹山縣降之

九丙辰朔置國子學許存仁為博士

夏明玉珍使叅政江儼來聘令都事孫養浩報之

十月丙朔先是夏明玉珍使弟明三進兵雲南失利諸將往往
暴掠不能制 吳王貽書規之

戊戌下令伐吳略曰張士誠假之命叛服不常天將假手於
我是用行師以致天討况士誠啟釁多端襲我安豐馳我諸
暨連兵構禍罪不可逭今命大將致討止於罪首餘軍民無
妄逆竄無廢農業已勅大將軍約束毋擄掠違者論如律

庚子命中書省馳書招虎背寨劉寶

辛丑左相國徐達平章常遇春胡廷瑞同知樞密院馮國勝
左丞華高等征東吳水陸並進

乙巳徐達趨泰州敗吳人屯海安壩

丁未圍泰州新城敗其援兵

己酉常遇春擊援兵院判李 擒將士五百餘人

閏乙卯朔吳人出舟師於江次范蔡港小舟別往來江中 吳
王聞之曰彼欲分我兵耳徵廖永忠還率水營馭之大軍毋
輕動

己未 吳王自至江陰康茂才水寨賜徐達書曰初聞爾等
距寇甚邇為是馳急緩急相策應今乃知不然所遣陳經歷來
有所言即馳報予駐師以待

辛酉還應天

吳俘百二十九人戍潭州

戊辰平章湯和克漢故將周安於永新立守禦千戶所

甲戌指揮副使王國賢取餘干州

庚辰徐達克泰州俘五千人送應天

癸未安置吳俘五千人於潭辰時天寒各賜衣一襲又賜婦

女衣履針絨皆大悅

十一月甲申朔信州盜陷婺源知州白謙赴水死

辛卯徐達進攻高郵王恣其深入命同知馮國勝率所部

節制諸軍援之達還軍泰州圖取淮安濠泗

甲午饒鼎臣出掠中弩死

乙未令李善長書招濠州元將李濟不報

己酉命中書省掾劉大昕往荊州分省叅贊機務

張昶傳獻為中書省叅政

張氏侵冝興使徐達歸援破之獲三千餘人

十二月甲卯命興安衛指揮王克恭屯於潛以援桐廬昌化諸軍

。張氏侵安吉守將費子賢以三千人拒之殺梟將二人因
驚潰去

癸亥起居汪滕毅為湖廣提刑按察使

徐達自宜興還攻高郵吳左丞徐義淳海入淮援之屯太倉

三月不前

秦從龍卒年七十餘 吳王方督軍至鎮江哭其冢

置襄陽衛

壬午張士誠以舟師數百艘泊君山復出兵自馬馱沙湖流

窺江陰

丙午 元至正二十六年

宋龍鳳十二年

夏開熙元年

正朔未朔 吳王自援江陰及鎮江敵遁命康茂才等追之敗

其兵於浮子門斬溺甚衆

辛卯諭中書省臣春和令有司勸農

改宣城府曰宣州維揚府曰揚州

議按察憲綱命按察司僉事周湏等曰神明能福鬼魅能妖

風憲紀綱之司法清弊革人則神明陰詭蠹國乃鬼魅矣

隱士徐舫率舫字方舟桐廬人善詩劉基等就徵拉舫不應
年六十八所著瑤林滄江二集

宋濂曰當劉君之出也銜方舟以隱自高數欲挽起之會
有故而止方舟獲終老於山林亦豈偶然之故哉

二朔丑朔湖廣行省參政張彬擊辰州周文貴敗走之

丁卯容美洞宣撫司使田光寶來降進四川行省參政行容
美洞等處軍民宣撫司

彭世雄為保靖軍民安撫使田升玉為鎮南軍民宣慰使田
光俊為太平臺宜靖安等處安撫使墨色釋用為桑植荒溪

等處宣撫使田思勝為守鎮邊境等處軍民元帥府元帥楊
妙興為守鎮邊境等處元帥府元帥皆土官初附

浙江按察僉事章溢平青田盜

己巳置兩淮都轉運鹽使司凡二十九場歲課三十五萬二
千五百九十引引各四百斤官給工本米一石

庚午劉承直為國子博士李暉張濟潘時英為助教完哲為
學正

癸酉指揮孫興祖守海安

潭州衛指揮同知嚴廣平茶陵盜

庚辰 王聞徐義自海道援高郵王保保欲窺兩淮命徐達備之

禁種秫令曰民間造酒糜費米麥今歲毋種秫塞造酒之源
夏明玉珍殂年三十六太子昇嗣位方十歲改開熙元年太
后彭氏同聽政

史臣曰玉珍頗尚節儉好文章蜀人經李喜、殘暴之餘
賴以粗安然喜自用昧於遠略而嗣子暗弱政出多門國
事日去矣

何喬遠曰明玉珍拔去漢善守巴蜀惜其不永不然何真
之流也

三 庚寅命徐達自泰州進取高郵興化淮安

丙申令江淮行省平章韓政取濠州

嚴中書省濫舉蔽賢之罰

徐達克高郵初馮國勝圍高郵張氏同僉俞某詐降誘我康
泰以千人踰城去皆被殺 王怒責國勝促徐達會攻至是
拔之誅俞某俘將校千三十七人甲士千一百七十五人俱
遠戍沔陽辰州婦以女多失配諭徐達等正法
丁未使徐達乘勝取淮安宜步騎萬五千人舟師萬人並進

餘軍令常遇春統守泰州海安應援江上

四朔丑夏主明昇遣

學士虞來聘

乙卯 吳王闕古車制至周禮五輅曰玉輅侈矣其木輅乎
衆政張皋曰木輅戎輅也不可祀天 王曰孔子取殷輅何
為違之

徐達至淮安徐義敗去右丞梅思祖等出降

丁巳沂州王宣襲海州入之

戊午徐達克興化先據瓢子角扼興化之吭故下之淮地悉
平

己未 王謂劉基王禕曰四方凋瘵吾欲紓之基曰方今用

武殆未可 王曰吾將定賦焉定賦則用節、則民不困定

賦則未兼兼則國常裕皆對曰善

庚申濠州李濟以城降韓政顧時等力攻不能支濟同知州

馬麟出迎

辛酉命朱文忠往徐達軍議淮安城守以新附屬其選將簡

率

壬戌馳書諭宿州吏民元徐州守將樞密院同知陸聚以徐
宿降拜聚江淮行省參政仍守徐州賜文綺三十白金三百

仍書諭吏民曰胡元失政亂起汝穎間天下皆謂豪傑奮興
太平立見乃惟妖言是庸元之將舊師行甚冠中原板蕩十
餘年矣咨爾士民勞苦日深自歲丙午始賦役軍需衆政聚
議於有司毋繁以苛爾安毋悖

癸亥淮安降將梅思祖等八見慰諭之

甲子 吳王發應天往濠州省墓

諭徐達率兵取安豐時元將竹真以萬人自柳灘渡入安豐
丁卯陸聚遣院判曹國器攻沛縣魚臺下之又院判司整取
邳州於是下蕭宿遷睢寧

吳王至濠州念先人始喪未備議改塋博士許存仁等請
易服遂素冠白纓衫經而朝悲改塋氣泄但培土舊隣汪文
劉英召慰之并招隣鄉黨二十家守墓復其徭

戊辰方谷珍貢二萬金

濠州父老經濟等皆來見勞苦如平生宴罷且別曰濬淮諸
郡尚有寇兵鄉人耕販且無遠出父老輩其厚自愛

庚午謁墓還舍語許存仁等曰吾微時謂終為村民雖遭亂
寄身行間冀以紓禍不自意今日至此追思曠曩誠可感也
辛未徐達克安豐忻都竹昌左君弼皆遁追之獲忻都晡刻

元平章竹頁來援擊走之立安豐衛

癸酉令徐達分兵趨徐州以擴廓帖木兒南侵遂敗之
戊寅謁辭墓

五月午朔 吳王還應天諭中書省臣以在道見流亡失業其
命有司訪遺民俾之還土

庚寅購遺書語詹同等曰吾燕居讀論語節用愛人使民以
時其治國之良規也 吳王微時目不知書起兵後日親諸
儒流覽神解手撰書檄注射簡峭文士顧不及也

徐達還自安豐

六月子朔醫學提舉司改太醫監設少監監丞

癸亥諭廷臣曰近者徐氏以柔懦戒陳氏以剛暴亡今惟張
氏存然祀政昵奸費用無經殆將覆矣夫察於亡者然後可
以圖存審於危者然後可以求安吾輩其鑒之

七月己朔貽擴廓帖木兒書曰向者戶煥章來隨遣汪河報禮
至今不還春秋戰國講信脩睦如季札至魯請觀周樂韓起
來聘同知周禮未聞拘留也惟鄭告絕於楚、人執良霄漢
累伐匈奴匈奴拘蘓武此夷狄報怨之淺見閣下豈效之哉
李羅雖死餘孽跳梁鳳翔鹿臺之兵合黨而東俞賢拒戰於

樂安王仁逃歸於東齊幽燕無腹心之託若加以南面之兵
四集當如之何倘幡然改轍還我使臣救災卹患各保疆宇
為閣下利豈淺哉

甲申蘓伯衡為國子學錄

丁未議攻張士誠右相國李善長曰張氏勢雖屢屈兵力未
衰土沃多儲殆未可也 吳王曰長淮東北吾皆有之臨以
勝師何憂不振徐達曰張氏橫暴侈汰此天亡之時也其將
李伯昇呂珍輩齷一亡數黃蔡葉三衆軍居中書生耳臣奉
威德可計日定 王善之

遙授中書省平章政事楚國公廖永安卒於蘓州永安字彥
敬年四十七 上聞而自為文祭之明年喪歸塋鍾山

廟成朔拓應天城下新宮於鍾山之陽

吳王告大江之神曰伏聞民欲安聖人一民欲愁霸王多予
心存安民決戰於張氏請天判聖焉維神奉天告神鑒之
辛亥命左相國徐達為大將軍平章常遇春副之率師二十
萬攻張士誠 吳王御戟門諭達等毋擄掠毋殺僇毋發丘

隴毋毀廬舍士誠能歸命必全之吾聞其毋塋城外毋掘而
芻牧也已御西苑問諸將所先遇春請直搗平江餘郡易與

耳吳王曰不然敵分其眾駐吳興錢塘以自輔我頓兵堅
城不克而招二輔之援非計也先攻吳興使遇春曰臣聞逐
梟者覆巢去鼠者蕘穴王作色曰攻湖失利吾自當之攻
蕪而敗不汝貸也王屏右左語達遇春曰能天瑞降我非
其意吾謀毋泄但云搗平江令天瑞從征必叛輸張氏矣時
榜士誠之罪二十

壬子命博士許存仁進講經史

癸丑大軍發龍江

辛酉至太湖

己巳常遇春敗吳人於湖州港擒其將尹義陳旺遂次洞度
山

癸酉進軍崑山又敗之擒其將石清汪梅

指揮熊天瑞叛降於吳

甲戌大軍至湖州三里橋吳右丞張天麟分兵三道叅攻黃

寶當其南院判陶子麒當其北同僉唐傑後之徐達欲戰有

言日不利常遇春曰何待日擊敗黃寶擒之圍其城餘欽退

吳司徒李伯昇來授自款港潛入城益圍之同僉余得全院

判張德義陶子實出戰復敗走吳平章朱暹王晟同僉戴茂

呂珍院判李茂同五太子以六萬人屯舊館列五砦自固我
於東阡築十壘絕其援李茂李成唐傑懼不敵而遁吳右丞
潘元紹張氏壻也駐兵烏鎮以援呂珍夜襲走之遂填溝港
絕其餉道張士誠自來援連等戰於阜林大破之擄其帥及
甲士三千人

置常德衛

九辛卯吳同僉徐志堅出東阡現我師常遇春擊擒之得二千
餘人

乙未命朱文忠攻杭州以張氏聚兵姑蘇爾制之使疲於
奔命

己亥夏明昇遣使來聘使者誇其險富吳王鄙之

乙巳左丞廖永忠參政薛顯克德清擒院判鍾正

吳右丞相徐義至舊館被扼約張士信合戰得脫復同潘元

紹至烏鎮常遇春追破之至平望焚其赤龍船軍資俱盡舊

館援絕多出降

指揮副使張勝宗平湘鄉盜

周文貴復掠辰州諸郡諭楊璟張彬等勦之

丙午遣參政蔡哲聘夏以繪者從令圖其山川形勢

十月朔朔郭永為國子博士李克正為學正張益為學錄

壬子常遇春攻烏鎮追徐義滿元紹於昇山大破之同僉戴
茂平章王晟先後降

甲子朱文忠率指揮朱亮祖耿天璧攻桐廬袁洪孫虎克富
陽遂合圍餘杭

戊寅徐達復攻昇山水寨顧時薛顯奮擊之吳人大敗五太
子及朱暹呂珍等以舊館降得兵六萬五太子本梁姓張氏
養子精悍善泅暹珍亦善戰至是士誠氣奪

十一月朔湖州司徒李伯昇左丞張天麒等出降伯昇同張氏起

兵稱最密其降也吳人謂之負友八明累遷平章故事子

世襲指揮

叅政胡德濟克諸暨斗巖山寨

己丑徐達趨平江至南潯吳元帥王勝降

辛卯至吳江州圍之叅政李福知州楊彝降

朱文忠下餘杭先許叛將謝再興不死乃降文忠趨杭州未

至吳平章潘原明遣員外郎方彝以杭州降文忠曰兵未至

而款我欲緩其師子對曰將軍秋毫無犯杭幸得將軍而寢

食之詰朝原明如師上狀曰嬰城固守乃受任之當為歸款

救民亦濟時之急務某起自草野叨位省樞非心慕乎榮華
志存於匡定豈意邦國殄瘁王師見加事雖貴於見幾民實
同於歸義念是邦生靈百餘萬比年物故十二三今既入於
職方願溥霽於天澤謹獻吏民兵餉之數文忠入城用伎樂
導比去之得兵三萬餉二十一萬馬六百匹執叛將蔣英劉
震元平章丑的長壽等送應天原明等亦入朝

壬辰脩公子書以教朝貴子弟脩務農技藝商賈書以教四
民儒士熊鼎朱夢炎等所輯刊行之
庚子吳同僉李思忠總管衛良佐以紹興降

左丞華雲龍攻嘉興路吳將宋興降

壬寅海寧州降

癸卯大兵至平江鮎魚口徐達擊吳將豆義走之康茂才持
戟督軍入敗之尹山橋焚其官漕戰船千餘遂至城下圍之
達軍對門常遇春軍虎丘郭子興軍葑門華雲龍軍胥門湯
和軍閶門王弼軍盤門張溫軍西門康茂才軍北門耿炳文
軍城東北仇成軍城西南何文輝軍城西北刀劍林立飛鳥
為之不下士誠殊堅守我造飛塔臨車攻之殺傷相當我武
德衛指揮副使定遠茅成死之

甲辰誅蔣英劉震歸元臣丑的長壽等潘原明以下官屬皆
仍故秩從朱文忠節制

十二卯

指揮副使畢榮下永寧鄞縣盜

已未罷浙東行省立浙江行中書省於杭州右丞朱文忠為
平章政事復姓李

元帥陳德為天策衛親軍指揮使

改紹興路曰府諸全州曰諸暨縣

陳友定部將阮德柔陰納款

議明年為吳元年命有司營廟社立宮室

己巳有司工宮室圖 王去其奇麗者諭中書省臣曰千古

之上茅茨而聖雕峻而亡吾節儉是賢民力其母殫字

是冬韓林見殂按寧王推通鑑博論云韓林見遷瓜步沉之

江中又王綖感古詩妖徒白蓮社僭號於其間奔走無定在

不啻風巢懸天假京都城累表請伊遷表謝遷永忠舟沉瓜埠

水魂應隨杜鵑舟家屬俱溺死宜興楊統制其興其義亦堪憐

興言感龍鳳連貶舟自全楊景東舟沉日當存其後永忠肇此

圖伯溫炳幾先謂彼牧豎子賢曆當聖傳大事從此定皇心

良儼然尋賜永忠死而楊蒙賞延復其家

高岱曰韓林見在宋猶未足方義帝更始其赤眉之盆子耳假令福通事成豈能容林見哉福通不欲以其身為標故藉之號召天下意事成已除之無難不成名將有所歸亦如王陵母之所以屬陵者奸雄之見大抵皆然第福通舉事可必其無成耳聖祖之開創於宋無所毫髮藉祇以和陽一命奉之終身自癸卯以前惟南剪群雄而未嘗加一矢北伺者以有林見在穎亳間故勿與爭雄耳否則中原形勝之地豈在所後耶張溥曰漢之後非漢而稱漢以殘晉者曰劉淵唐之後非

唐而唐稱以滅梁者曰李存勗宋之後非宋而稱宋以亂元者曰韓林兒林兒逋逃之餘母子窮窟劉福通等強擁為帝藥城草竊假名灑國以盆子之懦燕王即之詐奔北殺身宜其速也然紅巾賊起穎川最初當其兵分為三也劉福通取河南毛貴取山東閔先生破連陽焚上都中原以北幾三分有二風馳電激豈徒藉宋虛號哉天厭胡運石人生謠韓劉揭竿勢猶陳涉勝國空名河淮響震不必其人龍種也真人既出用其年號資其土疆大舉北伐傳檄還定乃曰伯也執及為王前驅其小明龍鳳之謂乎

何喬遠曰小明王暨子耳為人所以非若漢之於義帝者
業用其年號安豐之難舍漢而存之待其殂乃稱吳元年
明德厚矣

談遷曰 聖祖撰朱氏世德碑稱龍鳳九年皇帝云云丙
午伐吳榜龍鳳十一年皇帝聖旨 吳王令旨其推重韓
氏誠無敢失墜而采石之事見 寧獻王博論又即 聖
祖之神孫也豈效彼燭影斧聲如湘山野錄乎哉是不當
諱之則林兒似義帝永忠似九江王矣何也滁陽之後
未嘗通職貢奉冠帶不任受德其稱龍鳳而系之以宋以
報元也彼果宋乎哉非宋而宋之亦安得非君而君之乎
故凡能報元者即其君也舍 聖祖奚屬哉則瓜步之事
猶孫恩之水仙以妖始亦以妖終矣君子大居正甚無貴
乎左道也

文
山
五



知
州
府
志

程

長